

Yawe - Yire # 2
Louisville, Mississippi, U.S.A.
64-0403

1 Asalakis oni ibwoi, apak edit, kwape kituluro awokakwes.

Papa loka Akuj, iyalama isio noi, lolo, kanuka arereng naijar isio, abunore bobo Togo loka aima, neda kiinakina awate kosi kede atiokisio neijai Ijo, ebe abu Ijo kisumunite airiamun kede isio kwap naka Aokot nuebukoritai. Aiboisit bon nainakinitai nabu Edeke iriamunotor kede adiakanaan, arai idiotunganan airiamunor kede Edeke, arai kwap naka Aokot nuebukoritai. Kanukangun ibuni Kokiror loka Yesu Kristo, kajenete ebe abuJo kisumunite karai kingit isio idiobore Kokiror kangon, eponio ainakin. Iyuunit isio Ijo, Papa. Kingarak amamus aiyuun kosi. kilip isio ebe akositukonokin nepepe, lolo, koraun kanuka aibuses naka Edeke, tetere eyongio Edeke, ido kojenunai eKeKiror kotoma otunga. Kilipi ngun Kokiror loka Yesu, Okoku loka Edeke. Amen.

Ipedorete kwana aiboikin.

2 Koyanga na kwape narerengu ajaun ne bobo lolo, ido aanyun atukot najokan naka itunga etukokina kokinga kanen. Eyuunit eong, elimunitos kesi arai aitodianaro naka iboro. Ebwaikinik eong airiamununeta, neyapiei noi, aboisio nuegelegela airimun akwap. eitunit eong kokinga kotoma California, ajauna eong kede airiamuneta aarei arai auni ngina kotoma Cow Palace, enyaritos kesi. Anyoun kosaises luegelegela, agoola yenididi, naeyangari itunga ikany arai ikanyape, kitoni, ee, atukonokin naelal kakere naijaunar isio adiope pak, arai Bombay, ilukumin akwatakany kotoma atukonokin adiope.

Konye, Bombay, ibore yenapol, abu Ejakait wok kitajara itunga luipu. Korai oni apedorete ajaun kede aimorikikina kotoma okanisan, ti kesi kelemasi Hindus kede iceda. Ido karai ngin bon, ibore yen kinyarit oni, "Lumam iyuunitos." Kede iceda. Idiobore kere yenimam iyuunit Ejakait Yesu kristo, inyarit ngin "yenimam iyuunit." Ido ajaas nepetai ilukumin luapotu kocamutu kristo, konye ipedor ijo...mam ijo ipedor adolokin kesi.

Ido kotoma Durban, kongalakimak nako Afrika, apotu kewadikata kangina, itunga, ilukumin akaisauni kotoma anyararet nakolutari, adiopet, ajotet adiope. Ne, apaaran natupakin, emeya, Sidney Smith, loko Darban, kede ikanyikarei karai ikanyikauni luka ilorei lutiek luka Bulaya kiculitai iicodeta lumojong lualosiotor itunga, kanu akwat nuka amairon. Karai, kerisitai kes adaun isabitin, kwap ngina kotoma amagoron, kede itadan luedakere. Eculitai kesi kere aileleb toma kangun.

Keworori eong emeya, kotemari atiar, "Kolot adirisa kon naitei angolol nako Indian, kokinga kangina kotoma ooteri," kobala, "ido kianyun ijo icebore yenimam ijo kianyunitor sek."

Ido kane ajaas imotokan ngun luapolok iculitai kede, luinyarit oni, iicodeta kede itadan luedakere, kede iceda, adakia luminan kec kinga namagoro. Ido itunga luajaas mamakec, aparant nakokau, aloset kokau naka amotoka, kowoete kiyuu aiyuun bon kotoma angajep kec. Arai ibore yenajijim noi asesan ngun.

Ido toma nen ajaasi imurok luka adekis. Luipu kakes apotu kinuakata atiokusio ngun, ajenun ebe arai araas abeit. Naarai mam isio ikoto alimor ibore yenemamei, araibo aiwadikaun ibore yenemamei, dimikito arai epedor aitogogongio, abeit. Ekot kitogogongoi!

3 Bon adumunit eong ebalua Kama e...apak edit kokau. Abu kodolu mamaka. Karai loetebeikinitai mamaka, emuron loejenara noi kotoma Indiana. Erai ngesi etulikat, kotoma aiyuun. Ido okoke erai esasedot kotoma st. Meinrad Monastery kotoma Jasper, Indiana. Karailo emuron. C. Ackerman. Ido abu eong keriamunos kede nges kotoma osapali loka ameja, irwana atipet. Ido abu nges komejate adaun ikaru itomonadiope, kanu akal. Abu okurok nges adumun karaida adiopet. Ido akuare kangin, apotu iso eboioto aitodol nepetai isawan ikanykaun, einer nuikamunitos Ejakait.

Apupunit eong ebe ajai emuron lo ngina toma odukurun. Ido neabu eong kadolia ngina, abu eong kamuno aanyun itunganan ice yenepogana ido kimujurono. Konye abu eong keriamunos kede etunganan lokagogong lokajokan, loka eipone loejijim. Abu kobu kaju, kotemari, "Ijo nges Onac Branham?"

Kasodi eong kabongok ebe, "Eebo, ipa, nges eong."

Kosodi ngesi ayogan eong kede akan. Kotemari ngesi atiar, "Arai eong Emuron Ackerman."

Katemar eong ebe, "Ejok eyalama eong ajenunun ijo."

Apotu iso adolokis einer nuikamunitos Edeke, ido eipone loti ebe korai Nges cut korai Edeke, ejai Nges asalakin erai Edeke, arai mam Nges arai Edeke. kiany? Edeke loka kanukolosek emamei ajokis lolo, karai mam Nges erai ngopengon nejaas itunga lolo kwape keraar Ngesi sek.

Kanukangun, nepetai isawan ikanykangon, isio, Oo, abu engarenikinan kitwekeny isio. Ido ajai eong engarenikit, da, kanukangun kilosi iso anyou osapali, ayangar ikiliok kosi aboisio nuegelegela nuipedor isio

aingarenikin kes. Kotoma orot alosit, emuron Ackerman nges aseikinitai eong.

Ido kotoma korot aijesar kwap, abu kobwou, apak edit eroko akwap kecauna. Kidokok ekekan okeper ka, kosodi atemar ebe, "Onac Branham?"

Abu eong kalim "ebe, eebo ipa, emuron."

Kotema nges atiar, "Acam eong cut nuka Yesu kristo." Kebala nges, ajatar eong kede etelepat, ijen ijo, erai nges esasedoti kane kotoma Monastery."

Kabongok eong ebe, Eebo ipa."

Kotema nges, arai eong Etulikat, kotoma ayuun. Aomit eong ebe ngon nges ekanisa." Ebala nges, "ejok, eyuunit eong arai cut erai Ngesi Edeke, erai do nges Edeke loka itunga kere."

Abu eong abongok ebe, erai abeit. Abu nges kosub itunga kere. Ido kotoma Aokot adiope abu Nges kosub atekerin kere."

Kobala nges ebe, "Eebo, ipa, eyuunit eong ngin" ebala ebe asiomitor eong itaboi kon." Ebala nges, "Alosi eong acedakin nu. Eyuunit eong, arai kingit ijo Edeke, ainakin eong akal lolo, abuni eong adumun ngin." kobala, "Ameja eong kes ikaru itomonadiope; ajaunun eong toma okwamin luka akako.

Katema eong atiar, "Abuni eong ailip Ejakait ainakin ijo adiopet, emuron. Ngun bon nges apedori eong aswam." Ido nengisia eong Nges, kailipakin nges. kalimuni eong ebe, "Emuron, nepe erai isawan iuni, atupuruc na, einakin Ejakait ijo—ekale lojerit amomwara irwanakany."

Kosodi ngesi atemar, "Eyuunit eong ngun."

Ngun bon nges ebeit Nges aswam. "Karai iyuunit ijo ngun."

4 Kanen, epapero kede eong, apotu adokas orongat, ido asesen esawa. Neperai isawan iuni abu emudu koduor. Abu nges kodum ekale lojerit amumwara irwanakany. Apotu isio kalototo aingarakin nges adakun toma.

Eyangaunenei ngesi lukadekak ke kanuka alipakinio. Adum eong nueraas nuka kopekwana, ebe kejatar nges kede idiopet yenejatar ationis naka engoti, aberu najai atwanare kede ekansa, ekoto ngesi aporun ne. Konye ajai eong alosit ore, akaulo naka moi, akaulo, apaaran naetupakin moi. Kanen abu eong kalimok nges, kidareu aitodol naidolia oni ngina, ibuni oni ailip kanuka aberu arai kidol oni ngina.

Kanukangun, koany, luipu, arai einakin itunganan ationis kaijen! Eineri nuikamunitos aitangale naka Edeke noi, ido akodakin aibilerikit toma kangun, kwape ejaar kotoma kangin ibore kere. Ediopone loka ediini karai idiobore, idumun ijo luibilerikitos.

Karaida kotoma osiriamun, idumuni ijo ebe ejaas, ido luka Hindus. Idumuni ijo icetunganan kangina, lokesoswai lomojong isialai kanuka ekelatok, eperi kotoma osumalin ka aceda, alabira. Konye kau kotoma, erai etunganan loiyuunit ngun. Iswamai nges ngun kanuka asubanit.

Kidumuni oni ngun kotoma kanginibore kere. Kidumuni oni aikerepikinit. Karaida anyaman loikerepikinit enyami nuilamara noi. Karai, idiobore!

Konye arai ibwaikin ationis cut toma kanuwadikatai, kanen do emamei ibore epedori..., adumuni eong imurok luyatakina lukiyuunito adepar ikejanakinak luadumununei eong. Adumununei eong. Adumununei eong cut. Iyuununete luipu.

Aponi kingitingitai eong kotoma Mayos.' Karai ijenete yes kere ngun, abu korai najai toma apapulai kere, kede nginibore kere. Kede adekisia nuajokak nuka imurok kanginiboisit kere. Emamei idiobore. Iyuunitos kesi ngin. Adumunitor eong imurok epote alimokin eong, kwape kotoma aingisingisio kangina, abala, "mam isio kinyaraikina araut iketangalok. Inyaraikina isio kwape luingarakin ituban. Ejai eketangalon ediopet bon; nges Edeke."

5 Imwasai esiomite apapula naka *Reader's Digest*, naka ngon didi Donny Morton, nuapotu kesi kidokokisi akan toma ngin, "aponi kitangaleunai"? Ido "nukaumokin nuka Donny Morton," *Reader's Digest*. Kanukangun, ebe, ngun ajaunor eong toma aingisingisio kanuka ngun. Itelepat ngin yenapalitos luka Mayo, Hopkins, ido kede luce kere. Ido Ejakait Yesu kabu kitangaleu nges, kainakin ajaun ejok.

Ido Florence Nightingale, ijajait kanatwan Florence Nightingale, London, England. Aponi koporunere nges koDurban, ngalakimak naka Afrika.

Ido adautai ailocokin ibore. Bon Kwapenat irwana nuipu kotoma...

Ido Ekristayone kilocokinitai nejaas itunga. Ekristayone ebwaikin mamejaas itunga kwape alimoret naka aisisianakineta nuka itunga. Konye Ekristayone erai etunganan lokajaran, Yesu Kristo, Edeke

loitajaruna, loejari ido kojai kiding wok kwana. Ekristayone erai etunganan, mere aisisianakineta nuka itunga. "Aijen Nges erai Aijar." Mere ber aijen AkeKiro; mam ngin erai Aijar. "Aijen Nges," ido erai Ngesi Akiro.

Abu ekesa ece kolimok eong ebe, mam erai apak naewoj da, kobala ebe... ajai eong aimor nuikamunitos nuiwomit isio kanuikamunitos ecekokoro kotoma Obaibuli. Karai ekesalo lopesisiat Ebaibuli. Kotema ngesi atiar, "Ee, mam bon ijo ijeni Ebaibulikon."

Kabongok eong ebe, "Ajani eong Ekewadikan ejok cut." Kanukangun, ngin nges ibore yenepol, arai ajani eong Nges. Ikamunitos do Nges nuce ngun kere. "Aijen Nges erai Aijar."

6 Ido, kwana, atupuruc nakamoi, kotoma aduketait kane, ngina, etunganan loerai ekerabanika, Dr. Lee Vayle, ejai ne. Arai ejai aingiset toma aomisio kon, kobia, ebongokin nges ngin, iswamai nges nuepedori kere, kanu aingarakin ijo. Dr. Vayle ejai ne. Acamunit eong ejai nges nenice kokau kangina kotoma aduketait kopekwana. Ekesisian loejok noi, loitutuoro ejok kanuka aswam. Aso karai ejai idiotunganan kede aingiset, karaibonat idiobore kere, ido kanuka mam ijo aingit kopekwana, kotoma atukot naka itunga kwana, kanukinyo, koany Dr. Vayle. Ebuni nges ayalama einer kede jo idiobore kere yen ikoto jo einer kede nges. Ido ejatar ngesi kede aijanakin ne, kotoma atupuruc kana. Ido ibuni isio ayalamikin airiamun kede itunga kane.

Ido kanen, atupuruc naka kanasabiti ejaun asioman naka kanasabiti, anatar eibuga kere. Mam isio kitami ayangar naka kanasabiti, atupuruc naka kanasabiti karai ajotet kanasabiti, kotoma agola nakalalan kane, naarai mam ejok.

Kiany ijo, ikanisan, ekonepelu ejai okanisa kon. Ido nejatar ekanisa kede aijanakineta, ebe nen nges erai akonaboisit. Ido mam isio ikoto idiotunganan alomun kinga, kojatar ijo ekonepelu lokaswam naebet ijo ajaun toma. Karai ejatar ekanisa kon kede aisikwarunio, kasodete isio ajaun toma oibuga loitolosia ijo aisikwarunio, mam isio kipeleikinit aswam ngun, mam cut. Ijai isio ne kanuka eidicane loka Ekristayone, angirionokin, kanuka akote nakajokan mama ejaas itunga, ikanisan kere. Mam isio...

Mam eong arai loka ediorionget, cut. Mam eong arai loka ediorionget. Arai eong elopet Ekristayot. Ido aisupun bon najatar eong, atami eong bon aitwasam nges, kanuka ayongitor kristo, ido ayangaun adiakarak toma aitoronokin. Ido ngun bon nuajeni eong aswam. Amuno ebe kotoma apaaran, acamunit ebe ebuni Ngesi atemar, "Abu kiswamaun ejok." Ido ngun nges akiro nuepuda eong alimun...apupun Nges elimuni.

Abu eong irwana nuipu kaumokinite. Aminakinit eong apupun Nges neanyouna Ngesi aibwo ido arior aKekanin kaparan kangin, kosodi alimun, "Kopotu mamaKa, yes kere luitaaritos ka lukilangirikinito." Kwana, adautu ngun atubor. Konye, "Yoga aswam, ekabulesit lokajokan lomunot," eraun koingaren. Ido, eong, ajari kanu apupun ngun elimuno.

7 Ido kwana, kanen, ajotet nakanaesabiti, ibuni oni ailipanakin lukadekak. Irwanapu eminas itunga anyarit ngin ebe aijanakin naka aitangale. Kwana, mam erai aijanakin naka aitangale. Konye ailipanakin lukadekak. Kiany? Ilipanakini isio lukadekak. Ido, kanginiduc, nen nges iswamaunotor iboro. Nges kilipanakina isio lukadekak.

Akoto eong kanginijanakinan, anatar akwape kere, arimor kanginiboisit kere, yen iyuunit, abunore, koraun yenibun paran kanasabit, ido kogwo kede isio nelipanakina lukadekak. Komam ipodo nuka ekonidin, karai nurai nges kere, mam isio kipodo nukangun, kotoma abeit, karai ijatar ijo apupu kanuka ikonitunga,ido kanuka itunga luraas luka Edeke, kede itunga luekos adumun angaleu.

Kiitu, neidekar ijo, ekonipelu losodit nges aanyun emuron ido aanyun nuebala nges. Ido kanen arai kengicu ngesi ationis naka icebore yenimam nges epedori; sayanis, mam esayanis epedorit apukokin nges adio gangat kanukon, kanenido ijaas ijo kede apedor abunere nejai Edeke. Nges erai Emuron lokapolon. Ido kanen...

Kosodi ailip, kojaun kailip kilipi kanukon. Iswamaete kesi ngin, iswamata ngin, kotoma kangin kanisa loka Ikristayon. Acepak, iswamaete kane. Mam eong ajani. Konye kotoma aboisio nuipu, ilipete Ikristayon kanuka ikadekak kec. Luko preabyterians kede iceda luipu ejatar kede atukonokineta nuka ailipanakin lukadekak anatar agolitomei, kede aiboisio nuegelegela kotoma akwap, ailip kanuka ikadekak, ido ajaut kede nuaitelkaar nuepolok; Presbyterian, Lutheran, Methodist, luipu kotoma kakesi.

Aisikwarunio kec abukogeu kede ailipanakin lukadekak. Kanen konyounete kesi kotoma kangun, eeca. Kobuni egurupu ece loitetet toma, kesi, atukot naka ikiliok imorikikinos nepepe ido aitiak Ngin kotoma oipone loakototor, ido Kanen konyounete awai kotoma Kangin, kiany ijo, kobongorete bobo toma aisisianakineta nuka itunga, kwape iparisayon kede isadukayon luka apaarasia nuka Ejakait Yesu.

Konye kwana, kanginejanakianan isukunyunitai, ajotet kanaesabiti, abunore kosodi ajaun kede eong, kosodi aingarakin eong kwape kilipanakina lukadekak. Koyangautu lukadekak kus kede luejas erono.

Kwana, kitamit kwana acamakin itunga... adumun adiakararak lumam ejenete ewokojakait, lumam emisikinito ebe mam Nges etwanit. Ejari Ngesi. Nges, mam Nges etwanit, ejari Nges, ikaru kere. Ido abala Ngesi, "Naarai ajari Eong ijarete yesida." Koany aisumunet, ido koany aisinapikinio, neianyuna oni apak eyapuni!

Ikristayono lukabeit kere iyuunitos ebe eyapiei Abunore nakiareit naka Kristo. Elwana bobiai, mam oni kijeni. Kianyunitor ijo Alaska ejaatar bobo amaraneta nuiyatakina nuka akwap lolo? Adiopet kakes, agogong kwape agogongor nasodit, bon mam abu kijangak ngin kwap. Ijeni jo, abu Yesu kinerite kes iboro kwanat kangun abeit atakanunun bon eroko AbunoreKe.

Ido, Kiitu, iboro luitete yes iswamas kane, abu akirot kodwarite sek ebe apote ajaun ne, kwape adwaritor Ngesi nuka amaran naka akwap. Kanukangun, nepepe, kanukinyo mam oni imorikikina iwokitauon nepepe, ido ainicakin mamejai Akirot naka Edeke, ido ayuun kede itauonowok kere? Erai naejok.

Kwana, akuare natubor, apotu oni... abu eong kayanga akou naka akirot kotoma Aburaam, neabu nges konyarara ekiror loka Ejakait loabu kitanyikin nges kokuju kangina kotoma asubanit naka okokuke, neda alosi nges. Anyaritai ekiror Yawe-Yire, nerai ekepolou, "einakin Ejakait kanuKe asubanit."

8 Kwana, lolo, ajaatar eong Kanuiwadikatai adis kanuiwadikat eong aarei, ewadikat kwap ne, nuakoto eong ajalakin kede yes. Kwana, eroko oni kiswama, kelipata apak edit, bobo.

Papa, kilip isio ebe ibuni Jo ayangar AkirotoKon... "AkirotoKon erai Abeit." Ido ebalu Ebaibuli ebe, Yesu inera, kobala ebe, "Akirot erai icokat yenabu ekayean koyee." Kwana imisikinit oni ebe arai erai icokat icokat yenejok, ejaasi kede aijar. Ido arai eyangar icokat ngin kinga, kosodete airaikin toma akote naka Edeke, kanen ejalakini icokat yenejaasi kede aijar. Ido nejaar Yesu toma akwap, arai Ngesi Emusabibu ngon. Ido icokat yenabu Ngesi koyeik nges AkirotoKe, ido ijeni oni ebe erai yenejaasi kede aijar kanuka AijaraKe Elopset.

9 Ido kijen oni ebe yen icokat, naedoo toma alupok nuejokuka; mere toma amoru, komamete alias; karaida toma okukwa ka ikodokodo, ebe katipet eridakinete ngin cut; konye kotoma kanuejokuka, neiboliekinit, aiyuun napusuk. Ngin icokat kere kitolomuni yenika ekepone.

Ido ijeni oni ebe kangin icokat, arai aisumunet naka Edeke, eyangaun nuka ekepone, ibore yen esumunit, karai kinom ngin ai-... alupok nuka abeit, alupok nuitemonokinitai, ekapakina; amoru kere acakar awai, ido alias, ka adwaris, ka ebit, ka aimujuronut, ka ekokote, adaun abokar kere awai; alias ngin naka adwaris nuelomununete, nuacepakio emunarete ibore yenetamit Edeke aswam. Kilipi isio, Edeke, ebe mam ngun ejaunos akidingos kosi, konye ebe Akirot ngin nakajokan edumuni alupok nukajokak kotoma kanu.

Kwape kitupakina isio papa kosi lokapolon, Aburaam, kotoma aisia lolo, kadumutu isio ekosiwai, ajenun ebe kirai isio odwe luka Aburaam, kanuka aiyuun kotoma Kristo. Ido, kanen, kodum aibuses mamejai EkiroriKon Elopset ka ayongio, naarai kilip isio ngun Kokiror loka Yesu Kristo. Amen.

10 Kwana kilos bala abongor ainyogor kau mot lolo, kanu aisia naitorit oni atibong natubor. Nada arai, ebe, apotu kadumut Aburaam kegeuni, kotoma Ageun esula lo 12. Kotoma abeit, aponi kineritete ekekiror kotoma osula lo 11, neabunio papake kokwap kotoma Babulon kosodete kesi aiboi kotoma Ur ka nu...karai akwap naka Ikaludean.

Ido kidumuni oni ebe, boboda, ebe abu Edeke konyarau Aburaam, bon etunganan lopetai kede ekiror loka Aburam. Mam bere nges arai Aburaam. Ido, ka Sarah, "Sarai," Sarai mam ber Sarah. Kanukangun idumun oni ebe, Sarai kede Sarah keraas iarei lue...araasi ikiroria iarei luegelakina. Ido Aburam kede Aburaam keraas ikiroria iarei luagelakina.

11 Kwana kidumuni oni ebe, kotoma kanu, kapotu oni kayangautu nges kuju akuare nabian, kiton atogogonget, neabu Edeke kitogogong akeitutuket nejai ngesi, eipone loelosio Ngesi aitogogong mamejai Aburaam ebe alosi Ngesi aidar aisumuneteKe. Naedumunio kotoma osula lo 15 loka Ageun. Ebe eipone...Ido konyaraunete Aburaam kinga ebong, ayangar kwap, aitub itaok araibo atoba naedit, ka akinei, kede emerekek. Ido idolokit oni ngun akuare nabian, eipone loka iarei nungor ka yenikiliokit. Ido kanen ajeleik aarei, araibo ajibat arai aijele, luda eraas luka ekale ediopet; ido kojaatar kede abwoikinio naka ngin, ebe ebwoikinit ngin duc aitangale. Nu da mam ijulakina cut. Esalakinit duc aitangale erai kotoma aiyuun. Konye alucio, eeca, aponi kotiakai anyoun aijara naka etiang kiton aijara naka etunganan.

Kwana, kotoma Aitutuket Namojong, neabunia ekamaan kede aokot. Iriamunos bon Edeke kede etunganan kwap naka Aokot nuebukoritai, aiboisit bon naiswama Ngesi arai naepedoria Ngesi. Mam Nges iriamunos kede ijo kotoma aisianakinetakon nuka itunga. Mam Nges cut kiriamunos kede ijo kotoma asioman kon. Iriamunos Ngesi kede ijo kokwap naka Aokotoke; ngin bon ngesi aiboisit. Isirael kere amaenenete kokwap naka aokot.

12 Ido kidumuni oni kanen ebe, bobo, ebe oni kadumutu (inyo?) kau kotoma kanukolosek nuka inyo, eipone loswamata itunga aitutuket, ido idumuni oni kotoma aitupuset naka itunga luko Kide naka akwap kere (Japan ka India) kaiponesio luegelegela luiswamata kesi aitutuket. Kosodi eipone loiswama oni lolo, kotoma ayogan, ka aceda, kede alimun ebe "kipucak ngun!" ido itunga luko Japan abukonokinete amunyu nejai yenice, kanuka aitutuket.

Ido alosit airimun akwap, ido idumuni ijo luipu kotoma akwap eroko ejaas toma ojautene ngopengon loajaasi kokau kotoma aparasia ngun, kanoinoi kotunga luko kari nakoKide. Koraun Ebaibulikon eitabo lokitetet arai kereka ilot jo owailokide, mam ijo ipedori...abongun kotoma Yerusalem, Palestine, kau toma ngina. Ibuni jo...Ebaibuli, iwadikatai kotoma...kirai oni itunga lumusugun kane, ido itunga luko too, etamitos amisikin eitabo loka Amusugun, kanukangun erai ibore yeneninik. Arai Kibongo ijo ngina, idumun ijo ebe edukone ka iceboro, ido bon becebec eipone loeswamata kesi ngun kotoma apak naka Kristo. Iboro luipu kangina mam ijulakina cut, kotoma oionosio ka irotinikec.

13 Ido kwana oni, kotoma kanu, kidumun oni ebe neswamatar kesi aitutuket na kotoma aparasia kangun, enomakinete kesi toma omukule loka imerekek, arai emunyo. Kosodete aiyar etiang, ido aibwo kokiding naka atutubena. Kosodete aitub ngin, ngin ngesi aitutuket kec, arai irwana aarei, akecekiro; aicil nges atutubena aarei, koipone *kalo*. [Kocili Onac Branham apapula irwana aarei.] Ido neponiata kesi nepepe, ajai *nuarucokin* becebec aputo ngipengin. Ajai ainicakin, atutubet kede atutubet, kanukangun mam apedor atakun naeputotor, aso, kanukangun idumuni do oni, ebe, kotoma aisisawok akuar nabian, kidumuni oni ebe nuabu Edeke kiswama kanu aitogogong mamejai Aburaam nges aitutuketeKe.

14 Kwana, Aburaam, aponi koinakinai aisumunet mamejai Aburaam kede icokat akauloke. Mam erai Aburaam bon, konye icokat ke da. Kwana, icokat, icokat yenesubunitai kotoma Aburaam, arai Isaak; konye Icoat yenikomoyo yenikaiyuun naka Aburaam arai Kristo. Mam erai kotoma Isaak nges isirerengere akwap kere; konye kotoma Kristo, Icoat yenikaKabakanut, aponi kisirerengoi akwap kere, naarai abu Ngesi kotwana kanu kitunga kere, atekerin kere kaitunga kere.

15 Kwana kianyuni oni kotoma kanu, bobo, ebe, kotoma aitutuket kana, nabu Nges kitodu ebe alosi Nges aswam, eiponelosia Edeke aicil Kristo yesu. Kosodete aitonyoun akuan kuju kosodi aiboikin akan nakoteten naka Edeke kede ekabakane koKuju, ido Emoyo loka Kristo aponi koyangaunai kwap kotoma akwap.

Kwana korai ojai oni apak, ti ijo kitogogong ngun. Idiobore, atutubet adiopet naka Nuiwadikatai ebalu ebe, elosi erot kere anatar ebaibuli. Arai mam ngun, ejai do ibore yenerono. Namojong arai bon etoribe loka kaNaitetet, ailing aitodiar Ngun. Kanen, arai kidum ijo etoribe, ipedori do kwana ijo alimun ejok nuerai yenikitetet. Aso nen ngesi ajai Ngesi, ejai ido ebuni ajaun.

16 Kwana Emoyo lo loka Kristo loabu kobongu mamejai Ekanisa, aitodolikin Yokana 15 becebec bobo, neabalar ngesi, "Arai eong emusabibu kiraas yes atenuaik." Idobobo, Yokana 14:12, "Ngin yen iyuun Eong, aswamisio nueswamai Eong iswamai ngesi da," aswamisio ngupengun, ibore ngipengin. Anatar Nuiwadikatai kere! "Karai kikalakis mamaka, ido aKaKiro da toma kus; kingit nuikoto, kiinakinio ijo." Iboro luipu luabu kristo....

"Apak edit mam bobo akwapin kaanyunete Eong. *Akwapin*," kwana kanen akirot naka Ayonanin ebe *Kosmos*, nada erai ekepolou ebe *ainapeta nuka akwap*, "mam keanyun bobo Eong. Konye yes kianyunete Eong, naarai Eong," araut alimunet naidiope, "Ajaun Eong kede yes, toma kus da, kiton awasia naka akwap," aitarauun Yesu kristo ngesi ngopengon bian, lolo kede ikaru kere. Esalakinit Nges. Abu Ngesi kojaru kokatwak. "Akwapin, lomam iyuunit, mam eanyunete Eong." Mam emisikinetete Ngun. Konye ekeyuunan emisikini Nges, naarai erai Nges Yesu ngopengol lokerai Ngesi sek. Mam Nges ijulakina. Nges ngopengon bian, lolo, kede ikaru kere!"

17 Ido kwana, ido Akirot ngin, itunga luipu etamitos aitarauun Ngin bala namam iyengakinitai. Kwana, akoto eong alimun icebore kane kopekwana, yenabu toma aomisio ka.

18 Ido mam eong eyuunit ebe erai etut laiboisit naiswamaunitai kanu eyala. Mam na erai aiboisit naiyalaere. Erai na aiboisit naka lumunon. Ido kwape kianyuna Aparan naka Ejakait etakanuni, ekoto do oni Karas noi lumunon.

Konye ejaas akiro nukolo nualimokitai eong, apak ace kokau, nuka ekesa ece loedit ebe...karai kangina kotoma Boston, ido abu kolot awai. Ajaatar nges kede toto najokuna, nasodit, kanu ageun akiro nu, ido abu toto kojenuunit ebe abu ekesapat kojatar anyararet kotoma aijara ke, aijanakin Ejakait. Ido ngin ti kingaraki toto adiokere, ebeit ngin, toto adiokere nakabeit, ajenun ebe ekecesapat...ebe Edeke etubusiki kesi kede ikoku yenelosi alimonokin Akironukajokak. Ekoto ngin korai ibore yenetiai mamejai aijara naka toto adiokere. Ido toto nailwarittoi, etamit aswam idiobore kere yenepedori, abu kijuka ngesi osomero, mamejai eseminari, ejaun eke diguri.

19 Ido neajaar nges awai, abu totoke kodekakin noi. Ido abu nges, kwape tikiswama adioKristayot kere,

apotu konyaraut emuron. Ido emuron...ajaatar ngesi enimonia irwanaarei. Ido abu emuron kotam nuapedori ngesi aswam kere kanuke, aanyanar enimonia, ido amamei idiobore. Abu nges koinak ya ikee luka sulphur, penicillin, kaiceda, kanu aarar ekurut, ido mam abu kopedo aswam. Kinyikokini ejautene loka toto aroniar noi. Kanukangun ijukarete kesi akiro mamejai okoke, loda alwana kotoma Asbury, Kentucky, toma Wilmore College, abunore ido aip-...aanyun ngesi naarai alosi ngesi atwanare. Ido atupuruc natupakini, neakapakinor esapat anyoun, kodumunete kesi esimu, "Atamaki totokon noi. Kidareu aisiraret ace."

20 Akaulo naka ekaru, abu aberu kodum arereng naka aanyun ekesapat. Abukobongu ore kanuka aiyeng kotoma apak natwarere esomero. Kosodi nges alimun, "Toto, abu eong apupu ebe abu ijo kotamak," akaulo nakesi ajaun kapak adio nakaimor, kwape ti esapat kede totoke. Kolimuni nges, "mam eong abu kamisik ekia boani loabu emuron kijulak, kanu ainakin ekonijautene ajulakin katipet noi."

Kosodi nges atemar ebe, "Okooka, mam arai ngun." Ebal nges, "ijen ijo nejai imission nginididi kwape orot kane, itunga ngun kangina ebe..."

Kotemari, "Eebo, eitunit eong ngin."

Kotemari atiar, "Ejai amucalat nabala ebe abu nges kopup aingarenikinio abunore kuju ne aingit eong arai epedori ecokon abunore ailipakin eong. Aso abu eong alimok nges ebe ejokuna ngin." kotemari atiar, "Abu ecokon kobu ido asiomun kotoma Obaibuli, 'arai ejai idio Kayesi, edeka, konyarau imakio, ido ainyonyoikin kesi kede akinyet; kosodi ailipakin kesi. Ailipa naka aiyuun itajari ikadekan.'" Ido kotema, "Ijeni jo, abu nges kosiom ngun kotoma kaNuiwadikatai, kosodi ailipan eong kosodi ainyonyoikin akinyet. Ido atupuruc natupakini, abu eong angaleu ejok kitoni emuron acamakin eong aiboikin. Kotoma aparasia adis abu eong angaleu cut." Ejok, ebal nges...ebe, "Oo, ituritete Ejakait!" Kotemari atiar "Okoka, ekoto jo..."

21 Kotema ngesi atiar, "Toto, igeu ijo aswam iboro kwape kitunga kangun." kotema, "kopupok, toto." kobala ebe, isisiat isio kosomero ngun neabu nges kosiom ngina, Ekokoro loiareit loasiomi ngesi arai kotoma Marako 16, neda, 'etupanakinete aanyuneta nu ngun luyunete. Idokonokinete akanin mamejaas lukadekak ido engaleunete.'" Kobala ebe, Isisiat isio kangina kosomero Marako 16, ageun okokoro lo 9 kitoni ngaren, mam iyengakinitai." Kotemari atiar "Kiany ijo, itunga ngun mam elosete osomero, luipu kakes kokwap kangina. Mam kesi esiomito, itunga luka eipone lokamamus asiomit." kotemari nges, "Epeleikinito kesi nuejok, mam abunokin." Konye kotema ngesi, "Isisiat isio kotoma osomero ebe, ageun okokoro lo 9 kiton ngaren, iyatakita ngun aiyatakin, acepak kotoma Vatikan arai icebore, konye," kotemari, "naarai ngun atutubet ngin mam iyengakinitai."

Abu toto nginididi koresiaar naepol noi, "Aleluya!" Ido kanukangun kotemari ngesi...

Kotema nges ebe, Toto! Ejok, inyobo ainaki ijo alimun ngun?"

Ebal nges, ajai eong aomomoi, okoka, arai epedori Edeke aitangaleun eong kede Akirot namam iyengakinitai, inyobodo epedori Ngesi aswam kede Ngin cut naiyengakinitai?"

22 Kanukangun kwanat aisumuneta ace. "Kilip idiobore koKiroriKa, abuni Eong aswam ngun." "Arai ilimokinete erongat lo, 'Koukor,' ido komam ibunokinos kotoma otaunokus, konye iyuunito ebe nuingsitos kinakinio, kidumunete ngun nuingsitos, ido kinakino yes." Kiany, erai kere nuyengakinitai, kangin tutubet kere kotomake.

23 Neabu Morris Reidhead, ekesisian loajokan, kobu togoka. Abu kodum aibatisao naka Emoyo Lokalaunan; kibirokin airikin omesa yenididi yenakawa kotogo. Kosodi alimokin eong ebe, Onac Branham, amisik eong ebe irai ijo loko Baptist."

Kasodi eong atemar ebe, "Ejok, aponi bon kidokokin eong akanin, kotoma okanisa loka Missionary Baptist, kwape esapat; konye mam eong arai loka..."

Kobala ebe, "Ejok, luangai Ipetekotin lu luiupatar ijo?"

Katemari eong ebe, "Eraas kesi itunga kwape kajo ka eong."

kotema nges atiar, "Ejok, kopupok," kobala, iwomit ijo erai ngon Emoyo Lokalaunan loejaatar kesi?"

Katema eong nges ebe, "Eebo."

Kotemari nges, "kanukinyo apetonor ka asomanar ka elulu?"

Katemari eong atiar, "ejok, ibusakinit kesi akutar euria kinga naka epirigi. Karai mam kesi ibwaikinite ngun toma aswamisioit, ainakin amopiran airimokin." Katema eong ebe, mam ijo inakitok kes aisisiaun nueraas ngun kere, aboisit nakutanar ngun kinga koipone kangon. Kibwaik ngun toma aswamisioit, aiyuun, kokinga kotoma orot, atamit ainakin itunga alomun, toma Akabakanut naka Edeke."

24 Kotema ngesi atiar, "Ejok, aanyu eong kes iswamaete ngun kere." Kotemari, Alimokini eong ijo ibore yen ajaar eong ne." Kotemari atiar, "Esapat lokajokan loko India," kotema, "Edumunit asiomanike ka esomero." Kotemari atiar, "Eong, neakotor eong anyoun, ayangar nges toma odege, kanu aibwaikin nges toma odege, kanu agear ayangar nges kinga, katemari eong nges atiar, katemari eong, 'Okoku, kwana idum ijo akonisioman, abongor toma otunga kon..." Aomit eong isisiata nges toma...mam eong...Aomit eong akiro nuka iwayai.

Kotemari nges kanen, kobala, neageara ngesi abongor, kotema nges atiar, "kanukinyo mam ijo ig-...Kinyeik enabi ngon lomojong lokatwan, Mohammed, kosodi ajaun lokabeit loabukojar Yesu kristo kotoma otaukon?"

Kosodi nges abongokin ebe, "Ipa, akoto eong aingit ijo icebore."

25 Kwana kiitu, erai lo ediopet kotoma osomeroi lukapolok luka Ebaibuli, isomeroi luepolok, ekesalo arai ediopet kotoma omwalimun kec.

Kotema nges, "Nunyoika epedori Yesu kon aiswamaikin eong bobo adepar nuepedori ekanabi aswam?"

Kobongok nges ebe, "Ejok," ebalala nges, "Yesuka epedori ainakin ijo Aijar Naikar kere."

Kotemari ngesi atiar, "ikatuan, Ekoran da isumunit iborengipengin." Ekoran nges Ebaibuli loka Isiriamun, ijen ijo. Kotemari, "Isumunit ngesi da iborengipengin."

Kotemari nges ebe, "Ejok," ebalala nges, "Eebo, eong..."

Kotemari ebe, "Ijeni jo, mam Ekoran isumunit idiobore. Mohammed da mam isumunit idiobore konye aijar akaulo naka atwanare." Ebalala nges, "Yesu kisumunikit yes ikesisianakinak, ebe, 'Aanyuneta nu ka nukaumokin apote atupakin.'" Ebalala, "ngun nges abala Yesu." Kotemari nges, "Kidarit isio aanyun ngun iswamas, aanyun yes ikesisianakinak kitolomunete ngun." Koomom bere ijo ngun!

26 Kotemari ngesi eong atiar, "kanepakanen," kotemari ngesi, amisiikini eong ebe mam eong eriamuna kede esapat loka akuare kere. Ido ajeni eong...Ediopet loejeni nuenera ngesi." Emina ngesi aijalaun ngun. Konye ngon nges eipone lokajokan lobeitor aswam ngun, acamakin ber lokasurup asomakin ijo irwatipet koipone kangon ido kanen mam ijo ijeni nebeara. Kiany? Kanukangun kotemari ngesi, "Amisiik eong ngin mam ngon erai esapat loka akuare kere."

Ido kotemari nges, "Ejok, kwana koany ne. Ejarunit Yesu okatwak."

Kotemari ngesi atiar, "Ngesi ajaru?" kotemari, "Ijaunos yes kede ikaru ilukumin iaarei kanu aitogogong ngun, ido mam araida iaarei kotoma ouni nuka akwap epupunitotor Nges. Kwana inyobo ationis kede yes itunga?" Kotema ngesi, "kidareutu Mohammed kojaru kotoma okatwak, ido ebuni akwap kere ejenun ngun kotoma osawan akaisarei kaluwongon." Ido eraasi ngun abeit.

27 Kiany, ejaatar kesi kede abalasisit ebwoi katesike. Aanyunitor eong nges kangina. Ijulio ikedarak nepetai kangun isawan iwongon, komunos nges ajarun, ber. Kotoma aitupuset kangina, abunore kede abalasisit nakwangan, kiany, aikamar akwap.

Ido kanukangun kotemari ngesi, "kojalak nges kojaru kotoma okatwak, ido ebuni akwap kere ajenun ngun."

Kotemari ngesi atiar, "Ejok, abu Yesu kojaru kotoma okatwak." Abalala ngesi, "Enabi kus ejai toma ates."

Kotemari ngesi, "Eipone boali kijenuna ijo ebe abu Nges kojaru kotoma okatwak?"

Ebalala ekesisianakinan ebe, "Ejai Ngeis toma otauka"

Kotemari ngesi atiar, "Mohammed ejai toma otauka, da, Ipa."

Kotema ngesi, "Konye ejai eong ayalama ka ainapakin."

Kotema nges atiar, "Ipa, Esiriamune epedori aitolomun bon aijen nuejaasi adam (Psychology) kwape epedoria Ekristayone." Ido iswamaete kesi. Ekot ijo apupun kesi ecelanaros kailulu. Erai ngin abeit. "Aitolomun bon aijen nuejaasi adam (Psychology) kwape epedoria Ekristayone." Kotemari ngesi, "Ejok, nunyoika ipeleikit ijo neibalar ijo ebe abu Yesu kisumun iboro lukere neijsaasi yes?" kotemari atiar, "Aomit eong ijai ijo einer kododite Marako 16?" Kotema nges ebe, "Eebo, ngon nges ediopet kakesi. Mere kere nepepe, konye erai ngon adiopet."

28 "Kotema Yesu, Akiro nukawasia nuabala Nges mamejai Ekanisa, 'Koloto yes akwapisinei kere, kiany, ido kolimonokis Akiro Nukajokak, ido etupanakinete yes aanyuneta nu ngun luyunete.' Apak bonaetiai? 'Akwapisinei kere; kanginisubat. Karai kidokonokis akanin mamejaas lukadekak engaleunete.' Akiro

nukawasia nuabala Ngesi, kotupitete Nuiwadikatai kon."

Kotema nges, "Ejok, kiany ijo," kotema, "erai bon..." kotemari, "kiany ijo, atutubet ngin mam iyengakinitai." kotemari, "mam Nges cut apelekinit ngun. Mam ngun eraas..."

29 Kotema ngesi, "Mam ngun iyengakinitai?" kotemari ngesi, "Eipone boEitabo ani isiomete yes?" kotemari nges, "Ekoran kere iyengakinitai." Hum! Erai aiteleket naka anonok naka aisia Ebaibuli (Theology), aisia Ebaibuli naisomaunitos itunga naemameotor kEmoyo loebwoia ka aitereikin ibore.

Kwape kelimunotor idwe luka iburanean, "Epedori Edeke kosi alakun isio kotoma oupa lo loidopit, konye eja ber ngun da mam isio kikukokin aima aputo na." Ipuda oni itunga luejaasi kede atitingu. Etunganan loiyuunit Edeke erai duc loetiting ido kiyuunite nukaukokin nuka Edeke. Etunganan loiyuunit Edeke!

30 Kotema ejakait Reidhead atiar, "Abu eong kapet akwap, Onac Branham, kopet apua *kwangin*, ido mam eong apedori abongokin etunganan." Kotema nges, "Apeleikit eong abunore aanyun ijo akaulo kangun, ido aingit inyo araas nukere." Ido abu eong kalim, "eong lo." Kotema nges arai Emoyo Lokalaunan..."

Kotema ebe, "Onac Branham, abu totoka kejuka eong osomero." Ido abu eong kalim, "Eong, neabu eong adumunia eka Ediguri, aomit eong ngina nges erai cut..."

Abu eong kalim, "Ajen eong nuibala jo."

Kotema, "kanen apaaran adiopet abu eong kadum eka Ediguri, aomit do eong ebe kanen adau eong adumun kristo. Amamei nges kangina neadumunia eong Ediguri ka loka Amuronut." Kotemari ebe, ajaas eong ka idigurin luilosikina, idigurin lukaibuses, kanu arapiara arwatat kon, ido aibo ejai kristo kotoma kangun kere?"

Abu eong kalim, ingai bodo eong alimun ebe ibiroro imwalimun? Konye mam erai ngun kesi nuinera oni. Erai Itunganan, Kristo, nges ebeit ijo ajenun."

31 Kwana itolosi etunganan atukonokineta kanginibois kere Emuron. Lee Vayle kangina, epaperoka lokajokan, erai opaperoke da, ido ejaatar nges kede aitelekaareta nuapolok, ailipanakin lukadekak kede aitotot atukonokineta nuepolok kede idiobore kere. Erai naarai abu etunganan ngon kiyuu.

Kwana, koany, Emoyo loajaai toma Kristo, akuan Yesu naarai Edeke, Emmanuel, Emoyo Lokalaunan, Edeke, kijesun kwap kotoma Kristo, ido kaponi kitarauai Nges "Edeke ejai kede oni." ido arai nges...karai ngin alakun oni; abukorio naka AokotoKe.

Kwana, kotoma Aitutuket Namojong, nebunio ekamaan ido aidokokin akekanin mamejai ainakinetek, ido nges aitub ekeporoto loka...esasedot iswamai, arai ainakin asubanit. Etingi ekamaan asubanit kede akekanin, ido apupun acila naka akuan, ido imerekek ngin etwani; akejulo kere ilongara kede aokot ke, arapiar akanin kere nuka ikeyuunan, kaiceda kere, ikamunitai ngin kotoma atuba, kanuka aicweikinio kangina kotoma otem. Emisikin ekeyunan ebe arai nges abeit atwanare kanuka adiakar kangina, konye atwan imerekek anuke. Kwana, konye ajar najai toma aokot ngun, mam apedori abongun mamejai ekeyuunan, naarai araas aokot nuka etiang, nuemamei emoyo kotoma. Konye kotoma...kanukangun ajai aitunio naka adiakar, kainyikokinit.

32 Konye, kwana, Yesu araut Emmanuel, kede Ajar naka Edeke komaKe, ido ebonguni ngin; mere bon Ajar naka etunganan, konye Edeke Elopit, kotoma aputonaka Emoyo Lokalaunan, ebonguni kosodi aitarau yes odwe ka adwe luka Edeke. kanen do iras yes odwe ka adwe. Ido neipupunio ijo acila, kede ican kede aiticianio nabu Yesu kitor toma, akwenare, akeijanakin enyaritai aswam naka ajokit, "Belesebul," ido kokwenare, kede ainyanakin, kede ijanakinak luka edini, ka angerio. "Abu Ngesi koby mamejaas LuKe; mam luKe apotu kisukunyutu nges." Kede iboro kere luabu nges kitor toma! Kosodi nges ainakin ajarake komusalaba, alakun ngun luabu Edeke kojoni sek. Alakun; ainyakun ngin toma aiboisit neabu ngin kibiroror. Ido abu Edeke kiswama ngun kere kanu ainyakun Emoyo Lokalaunan mamejai Ekanisa kwana, tetere Ngun... itunga, ikeyuunak. Eraas ngun bon kanuka Ekeyuunak.

33 Mam karai kanuka lumam iyuunito. Mam ngun eanyunete ngin. Etwakito, kageunet.

Koany iparisayon ngun neanyunatar kes Yesu iswamai aanyunet ngipengin nabeit araut anyunet naka Mesia.

Koany Petero, koby ngesi kiyuu ngun kwana. Kosodi Natanael aiyuun ngun kwapekwana. Aberu kotoma atan kiyuu ngun; emuduk Batimayo. Ngun kere luapotu kijaut ngun, kiyuutu ngun.

Konye apotu engarenok ngun kobwoata kangina kosodete atemar, "Erai Belesebul, emoyo lokaronon, ecengalan arai loijodoi."

Abala Yesu ebe, ibalas ngun aitepegia Eong, abuni eong aitim yes," mam ber ainakinitai asubanit, "konye kebu Emoyo Lokalaunan aswam iboro ngupengun, adiopekirot asurokin Nges mam itimio kotoma

akwap kana arai akwap naebuni."

34 Kanukinyo mam kes kiyuunatar ngun? Kabala Yesu ebe, kiraas yes lukapapakus ajokit, ido akeswamasio iswamaete yes." Erai ngin abeit.

Aiyuun Akirot, nges aijaun Akirot kacamakin Nges araun Aijar. Kwana, Edeke itodiari kangina eipone loetogogongio Ngesi aitutuket na. Ekot korai koipone kangon. Ekanisa! Mere erionget, mere ediini; konye itunganan ka Edeke ejai araun Emoyo ngopengon. Ngin nges apeleikinet naka Edeke, kageunet.

Adam ka Keba araas Emoyo ngopengon. Ebalala Ebaibuli kotoma Ageun, kotoma 1:27, "kotoma aputo naka Edeke..." Erai Edeke Emoyo. "Kotoma aputo naka Edeke kesubia Nges nges; yenikiliokit ka yeniberu kasubia Nges kes," kotoma oipone loka Emoyo loda ajai toma kEdeke. Adam nges ayait Akwap kere, kwape kwana ebeitor Emoyo lokalaunan aingarenikin Ekanisa kwana. Ido, konye, etunganan mam ajai kotoma akuan. Ido karai nges kere ekiliokik kaberu da, naarai erai Emoyo ngopengon.

35 Kosodi Edeke asubun etunganan kotoma apua naka akwap, kosodi aisub nges kotoma aputo naka etiang. Neda kwana kiraar oni itiang, kijeni oni. kirai oni itiang. Ido ngun kes itiang luemwaka aokot, ido kijai oni kotoma aputo naka aijar naka itiang.

Kosodi Edeke alemun amaran kanejai Adam, erai Aberu ibore yen esubunitai kanejai ekiliokit, mere becebec kotoma osube losodit. Abu nges koleman amaran. Abu kotiak akuan, kosodi alemun emoyo lokaberu kanejai Adam kosodi aibwaikin nejai Keba. Kojaunos ngina do ekiliokit kede Aberu.

Ido nenyouniata kesi kinga naka aiboisio kangun, ejaunos kinga naka ejautenekec lokabeit. Abukojaun aitapario nenice. Nekotor Aberu apusit ekiliokit, araibo Ekiliokit asubit bala Aberu, ejai ibore erono kanenice. Ejaas kinga naka ejautenekec lokabeit.

36 Kianyuni oni ngun kotoma Rebekah ka Isaak, kwape ipajan, kiany, konye kwana etupusit ngin icokat yen Isirael kotoma akuan. Konye kotoma aiyuun, abu kristo kobu toma aboisit, nemam erai toma akuan.

Kwape ajaar aanyunet, aokot kotoma ategerio nuka ikekia, kangina kotoma Misiri. Mam ace arai akepitai biai, arai ajaas kesi kaitutuket naetiai, ajai aanyunet aitodiario arai mam ajai aitutuket alemario. cuticut. "Neanyuna eong aokot, alelengi do Eong yes."

Kwana aanyunet mam erai Aokot; erai Aijar najai toma Aokot, Emoyo Lokalaunan. Ido ngin nges... Mam eong apodo arai idiinikit ijo biai; dimikito kidum ijo Emoyo Lokalaunan, ibuni ijo amudiar. Ngon bon nges erot. Emamei bobo Ekokoro ece loiswamai icebore, ngin idiopie bon. "Sirikitakadikis Emoyo Lokalaunan loka Edeke lokolo kipucakini yes aipucet kiton apaaran naka alakuniokus," Ipeson 4:30.

37 Komisik kwana, ibonguni oni, kanen do itodiarit ngin ebe Adam ka Keba araasi idiopie, kageunet. Ekiliokit ka Aberu ebeit kes asalit erai idiopie.

Kwana, konye neatiakakinotor kesi, kanen, toma akuan, arai nen nges ebororor Keba. Aibiror! Kanukinyo? Amamus aiyuun Akirot, kanginitutubet naka akirot. Icetunga eyangarete atutubet acenaka akirot, konye mere nuce. Ibusakinit kojaasi kere ngina. Kiany? Kiany? Abu ngesi bon kobuonokin atutubet naka Ngun. Ido korai adeka na kere ka atiokusio nuijaar oni kwana epote kanuka Aberu adiope abuonokin itutubet nuka Ngun, epone ani ilosio oni ainyakun idiobore yeningongara kilema aiyuun Ngun kere, ka acamun Ngun kere? Araasi ngun nukec... Ayuara kesi kanuka Akirot kangin. Neapotu kes kotiakatar, kotoma akuan, apotu kibiroros. Abu ya kibiror, kanuka Akirot. Ya....koany, inyo kobu ya komote?

38 Bon itunga luipu lolo, ekotos kesi nuejokuka, epone loibus, epone loepatana. Mam kes ekotosi aitereikin ibore yen ibwakinitai ngaren kece. Arai kiswamata kesi, egoloro kes kinga naka erionget kec, aibwaikin toma agoloro, nueomitai nuke mot.

Mam ijo ijeni, ebe, "Epote itunga kere einer nukaronok mamakon, nukaisaba, kanuKa. Kolakar ido kiyalamikin noi, naarai epol ekoneropit kotoma Akuj, naarai kwangin apotu koreunata inabin lukigeikinetes yes. Ido kere luepote aijar naka ayomgit Edeke kotoma Kristo Yesu epote adumun areo."

39 Kwana nunyoika bobo ikoto oni Nges alimun? Ilukumin nuka Akiro ipedori oni, Ikokoron, nuikamanara kangun, ti ekerata anyoun Ageun kitoni Apukokinio.

Ebe idiobore kere yenijaar oni lolo, egeunit kotoma Ageun. Erai esula loka icokat. Kere amamus aiyuun ka nginibore kere egearit cut kane. Ekanisa egearit cut kangina. Nginibore kere egeunit kangina. Esubit bala imusabibun iarei epoloete, ido ediopet aituputonor loce, ido adolokin cut kuju nepetai aputokin.

40 Kwape Moab ka Musa da. Ngina kobuni Isirael, mot, komamei erionget, ateker namam arai idiobore cut. Ido kojaatar kesi kasubanit naputo kane koMoab; erionget lokajokan, luangosibib kec kere alomun kinga ainakin asuban nuaputos. Atamit ti... Ekaanyanaran kec kokuju kangina, Balaam, aijesun kwap aiken ngun luadaunit Edeke aisirereng. Aomitos kesi, "Etunga luicocoara! Emameitor itoni ekanisa lokore da,

kwati ebeitor. Eraas do lu ikerimok tai."

Kosodi ngesi atemar ebe, "Konye akuroki kes apupun eworo ngon loka Ekabaka kotoma okambi. Akuroki nges aanyun angaleu naka Edeke itolosio kotoma kanen, emun ngon. Ido Atiba naenomitai, ainakin kes aijara! Eworo loka Ekabaka kotoma okambi!"

Akuroki nges aanyun Ngun, ekaanyanaran ngon loitumudakitai. Konye ber, kotoma kotoma abeit, arai ngesi bon loadolit kwape adolitor Musa; itemwana ikanyaare, asuban akanyaare, kainakin da imerekek, kinera nuka abunore naka Kristo.

41 Konye mam Edeke ekoto icetunganan aijulun Nges. Nges bon erai Ekejulan. Einakini aisumunet, Kanen Nges elopet itodolikin, ido ngin nges aijulunet naka ngin. Emamei yenebeit aijul ngin. Mam Edeke ekoto idiotunganan. "Ebaibuli mam erai loepedori itunganan aijul kanukebon." Nginitunganan etamit alimun Ngun akesapolou *na, ngin*. Kocamakisi Edeke kiner kanuKe. Nges Elopel iswamai ngon. Abu koinak aisumunet; ebwoi Ngesi kokauke. Iswamai Ngesi, mamejaas ikeyuunak.

Konye lumam iyuunitos mam edumunete idiobore. Mam erai kanukec. Etwakito kesi, kageunet. Mam ber ebwoikinitere da. Emamei idiobore kotoma kec. Eraas egura akiot loetwanit. Mam ijo ikoto aputor bala ngon.

"Kilelebunos ka kEmoyo!"

42 Koany, abu Ngesi kotiak Adam ka Keba, kosodi ngin aibiror. Abu Adam kolot kede nges. Kwana, "Adam mam aponi kingalagalai." Keba nges engalagalatai. Konye Adam, Adam losodit, arai okoku loka Edeke da. Ido abu nges koloto kinga naarai kanuka amina naka Keba, aitam ainyakun ya bobo, naarai amina ngesi ya.

Kristo da abu kiswama ibore ngipengin, alakun ya bobo. Mamejai inyo? Akirot. Inyo abu koyangau aibiror? Akirot, amamus aiyuun Akirot, Akirot kere. Ido abu kristo kobu tetere eraun idiopet kaoni, AijaraKe kotomawok, kanu ainyikokin Akirot. "Kageunet ajai Akirot, ido ajai Akirot mama ejai Edeke, ido korai Akirot Edeke. Ido koraun Akirot akuan kiboiroroi kamawok. Nges ngopengon bian ka lolo, ido kiton ikar kere." Edeke ngopengon! Ngun nges abunio Ngesi, aswam ngon.

Kwana idumuni oni, kotoma aitogogongio, alakun oni ainyakar mamaKe, alakun idwe luepaarito luapotu kopaasi kinga toma omocarini lu; kosodete abongun toma Akirot bobo, abongun mamejai Akirot naitodiaritai!

43 Kwana kes Iyudayan, neabunio Yesu, apedorete kes alimun, "Kijai isio kede Akirot. Ijai isio kede akirot. *Nu* kesi nuabala Musa. Kirai isio iyakia luka Musa." Yesu, ikar itomonarei bon lukapolou, epegas kede kes. Ido kanen nea...koany, Ngun nges iswamai etunganan neja Ngun.

Konye kotema Yesu atiar, "Arai mam Eong eswamai aswamisio nuka Papaka, kanen mam kiyuunete Eong. Naarai, aswamisio nuainaki Eong Papa aswam, itodiaritos kesi nuarai Eong."

Ingai? Ediotunganan loiyakiarit Edeke, itodiari Edeke kotoma aswamisio nueseikinit Ngesi nges aswam. Arai mam iswamaunos, mam Nuiwadikatai itogogongete, kojalakis ngin bon.

44 Karaida kotoma Aitutuket Namojong, ajaatar kesi eipone loka ajenun arai erai nakabeit karai mam. Ajai ayangar kes kwap, ekerujan, arai ekadwaran, arai yeparai, ayangarete kesi kes kwap neejai Urim kaTumim. Arai ngin Aica naka Edeke.

Erai duc Edeke lokaumokin, iswamai kotoma kanukaumokin. Bon ebe ejai Edeke nen, Ejaas nukaumokin, arai erai Yawe Edeke.

Ido, nea, mam ace arai ejok airujaasit ngin biai, arai mam iloroikit toma Urim ka Tumim ngin, kanen do mam edolit.

Kwana esasedotene lomojong loka Aron abu kongetakin, konye kiroko oni kijai kede Urim ka Tumim. Nges apukokinio naka Yesu Kristo, apukor Nges kotoma Akirot na. Ido idiobore yenimam ecamanara kede Akirot ngin mam erai Edeke. Mam ecamanara kede Ngun. Konye Edeke inera kanuKe. Itodiari Ngesi akekuan kede AkirotoKe.

Nen nges kabu Yesu kitelekara Satan. "Iwadikatai..."

Kanen do kobonguni bobo Satan ne, kosodi aibirun toma bobo. Kotemari Ngesi atiar, "Eebo, Iwadikatai bobo da..." konye apak ngin, neabunio ngesi, abu konangakin toma akim naikiara agogong. Apak ngin abu kicwea abebenokake. Kosomar ngesi awai naka nen, do.

Kotema nges atiar, "Iwadikatai, 'mam itunganan ejari kanuka atapa bon, konye kanuka nginikirot naelomuni kakitik naka Edeke.' Kobongo kauKa, Satan!" Kiany?

45 Koany nuapotu kotakanutu. Edeke duc itodianari Nges elopet kede AkirotoKe naisumunitai. Kwana arai kes Iparisayon kosesenitos cut kau, Kotema Musa atiar, "Kitonyouni Ejakait Edekekus enabi loeputos ka eong." Arai nen kotoma kaNuiwadikatai.

Konye komam aumokin abu Yesu kimala Papa, kobala ebe, "Kemalai Eong Jo Papa, naarai kibwa Jo Nu, kotoma akonyen nuka lukacoa kede luituros, kopukokini Ngun mamejaas idwe luepedorete aisisia."

Nealimokina Ngesi Petero kaparan kangin, naejesunotor kesi kwap. Nealimuna Ngesi atiar, "Ebalas bo itunga ebe Eong Okoku loka etunganan arai ingai?"

"Ediope kakes kotema ebe irai Jo 'Eliya,' ido ediope atemar ebe irai Jo 'Musa,' ka aceda."

Kotema Ngesi, "Konye mam ngin erai aingiset. Engisit Eong yes."

Kotema, "Irai Jo Kristo, Okoku loka Edeke lokajaran."

Kotemari Nges ebe, Isirerengitai ijo Simon, okoku loka Jona, akuan ka aokot mam kipukokinito ijo nu. Mam isisiat kotoma oseminare, emamei yen abu kisisianak ijo ngun, konye erai apukokinio." Oo, ikatunga! "Toma atiba na adukokin eong EkanisaKa, ido ikirigin luka okatwak mam ipikorete Nges," apukokinio, arai aitodiario naka Yesu Kristo.

Kotemari Ngesi, "Arai mam Eong eswamai aswamasio nuka PapaKa, mam kiyuunete Eong."

46 Kwana alototo ngaren. Kidumun oni Nges...kwana kaloto toma osula lo 17. Idumuni oni Nges kane kotoma osula lo 17, neabu Ngesi kitanyikinor Aburaam akaulo aitogogongio naka anu, aitodiar nualosi Nges aswam.

Ido kwana, kiitu, ebuni Emoyo mama...Ido Emoyo loejai toma Okanisa, otunga luka Edeke; Emoyo loejai tomakec, ejai toma, Emoyo ngopengon nges ejai toma Kristo, keda aisumunet, "Aswamasio nuswamai Eong iswamaete yes da."

47 Kiitu, adiopepak kotoma aibubukinio, naperoko ngun, apotu kowenikisi acapa airimun ereeteKe, ido ainom Nges kuju akou, kede agada, kotemari ebe, "Kwana arai irai Jo Okoku loka Edeke, irai Jo enabi, elimokitos kesi eong. Kodwar, enabi!" Ikoparete kesi akitoi, "Kolimok isio ingai enom Jo." Koany ajokit ngin? Kiany?

Kotemari ngesi, "Amisikinit eong ebe irai Jo ekeswaman nukaumokin lokapolon. Kituluo amoru nu araun atap. Akoto eong aanyun Jo iswamai ngun. Abuni eong aiyuun Jo arai kiswama Jo ngun koipone kangon aituluor amoru nu araun atap. Abuni eong aiyuun. Abuni eong aswam ngun."

48 Abu etunganan kalimok eong pac, ebe, korai ijo kopedori aitodikin eong idiope itunganan yenengaleunitor, kede aiwadikaeta nuka emuron!"

Katemari eong atiar, "Oo, aitim, etuan, kobuta. Kanuka ajokis!" katemari eong, Ayangauni eong imurok kotoma akwatai."

Kotemari nges, "Ajaatar eong eong idolas elukumit idaritos ijo, arai kiswama ijo ngun."

Kasodi eong ayangaun imurok, kede atiokusio. Ebalas nges, "Ejok, ejaasi ikapun toma..."

Katemari eong ebe, "Akoto eong ikapun ngun kanuka ainakinet naka aswam naka aijanakin." Ido kotemari nges..."Kijuk icetunganan yeniyuunit eijiri, kinga nakakwap."

Kotemari ngesi, "Ejok, kocamak eong kayanga ipese yenididi, ido eong ka inacananaka aibwo airimon, ido ibuni isio aitub akekan ido kanen ijo aitangaleun ngin cut kane koingaren kosi, ido ibuni isio aiyuun ijo."

Katemari eong, "Ipudas yes aitangaleunio naka akwes kus." Erai ngin abeit cut. Etunganan loirumiarit ajokit noi!

Abu ngopengon kotema atiar, "Arai tope irai ijo Okoku loka Edeke, Arai irai ijo, kodoku kwap komusalaba." Oo, konye kobala Ebaibuli ebe ajai Nges eikaj komusalaba!

Kotema Kayepa atiar, "Itajari Ngesi luce; Ngeselopet mam epedori aitajar." Komam ejeni ebe ngun, konye aisimaaret naepol kakere aponi kotacai Nges. Arai kitajaruun Ngeselopet, mam tinges kepedo aitajar luce. Ayangaikin nges ainakin aijaraKe.

Abeit, ajeni Ngesi ingai abu kinomite Nges, konye mam nges apedori aisial kanuka ajokit. Mam Edeke erai ekesialan. Mam Nges isiali kanu ajokit. Akeswamasio kiyakunitai mamejaas ngun luiyunitos, konye mere eyala kanuke.

49 Koany, abu Ngesi kitanyikin nges kane korai nges loka ikar akaisakanyangon kalukanyangon luka apolou, ido Nges aitanyikin mamake kokiror loka Edeke Lokapedor kere. Ekiror ngon, kotoma Aburanian,

erai *El Shaddai*.

Kwana, Edeke ejaatar kede aimorimora naikirorin ikanykaarei luka alakunio. Ijeni oni ngun. Ido mam ijo ipedori aitiak kesi kanejai Kristo. Mam ijo ipedori aitiak kes. Itodolikinit Kristo nginidiopet kakesi kotoma aimorimora naka ikirorin kangun, aluka alakunio. Iyunitos yes ngin? [Kotemari atukos ebe, "Amen."] Nges, iyunit ijo ebe erai Nges Yawe-Yire, "Asubanit nainakinit Ejakait"? ["Amen."] Dobodo Yawe—Rapa, "Itangalei Ejakait adekasia kus kere"? ["Amen."] Ido arai mam ngun ejaas toma Kristo, kanenido mam Nges arai Yawe-Yire. Kanukangun mam ijo ipedori aitiak ngun, ibore kere engetakina, ido nen nges ijai ijo. Mam Nges epedori araut Yawe-Rapa komam erai Yawe-Yire, mam karaida Nges epedori araut Yawe-Yire komam erai Yawe-Rapa. "Apon kimusungai kanuka arokusio wok, kotoma omacariniKe nges kitangaleunitere oni." Emamei epeget kotoma kaNgun.

50 Kwana kidumun oni kane ebe, etakanuni Ngesi kokiror loka *El Shaddai*, "Loka apedor kere." Cut, akirot, akirot naka aburanean shad, s-h-a-d, elimuno ebe "shade." Shad akepolou "Ekisin," kwapa ekisin loka aberu. Ido abu Ngesi kitanyikin nges kokiror loka *El Shaddai*, luipu erai, *Ikisin*. Arai eong Edeke loikisin. Aburaam, ikar ikaisakanyangon kalukanyangon luka apolou, kolosenenei kakonyeneka! Korai loitekoora, kiyuu AkirotoKa! Bon kinyikok aiyuun! Esumunit Eong, kotoma akaisakayarei kalukany; enu ne, erai ikar ikaisaree kaluwongon kwana ageun neabu eong kainakina ijo aisumunet." Ido koany aisinapikinet nati kabeit ajaun mamejai etunganan loemojongit, ikar akaisakanyangon kalukanyangon luka apolou. Ido agogong kekere adauna, ido kane ebwoi Edeke koingareneke, kobala ebe, "Arai eong *El Shaddai*. Arai eong Edeke loikisin." Amen. Kiriu agogongukon kamaKa. Arai Eong agogongukon."

Kwape, Aitutuket Namojong ka Naitetet, Edeke loikisin. "Arai Eong Edeke loikisin, kiriu agogongukon kamaKa."

Kwape ikoku yenididi naedekar, iyalongongoi; edeka, kononok, egongakin nejaas ikisin luka totoke kosodi anakun akegogong bobo kanejai totoke. Kotoma acekiro, "Aburaam, mam ijo kirai icebore konye ikoku mamaKa." Ikaru akaisakanyangon kalukanyangon luka apolou, amamei bobo apak, kaijarake.

Kiitu, apon kibubukinai Yesu, bala bian. Ikaru elukumit kotoma akwap—kotoma akwap, erai aparant adiopet Kama ejai Edeke. Kiany, esubit bala bian ebubukinere Nges.

51 Ido koany, "Arai Eong *El Shaddai*. Irai ijo ikoku yenididi yeninonok. Konye ogongakin atorobuKa, akaisumunet, kosodi airiun agogongukon kamaKa. Eong nges ekasuban loekajakini akuju ka akwap, aibwaikin aicer kuju ngina. Ejai kere ibore yenepol Kama ejai Edeke? Arai Eong *El Shaddai*, ido irai ijo ikokuKa. Karaida kinonok ijo, ido acamakinit eong ijo ajaun kwangin kanu aanyun nuswamai ijo kotoma kangun. Alosi eong aiswamaun aanyunet kanuka itunga luepote akaulo, ebe etunganan ngon loyuun akakirot. Abun eong aigwo kede ngun. *El shaddai!* Konak akonagogong kamaka."

Oo, ibala ijo, "Korai apedori eong aiyuun..."

Eroko Ngesi erai *El shaddai*. Eroko Ngesi erai Edeke loikisin, Aitutuket Naitetet ka Namojong. Bon iriu akonigogong kanejai Ngin, Oo, nginibore kere yenipuda ijo. Ikoku, yenemamei agangat, eyangaikin nges airiun agogong kanejai totoke; ngon bon erai eipone loepedoria ngesi adumun agogonguke. Ngon bon nges eipone loepedoria ekeyuunan adumun agogonguke, erai airiun ngin kotoma Akirot naka Edeke. Ngin nges agogonguke, aisumuneta nuka Edeke mamake. Kobwo kotoma kosodi aiyuun Ngin!

52 Ido mam erai ikoku yenididi bon kane ebwokinitai nedekar, kiyalongongo, epedori toto aibwaikin nges okisinike, ido kolosi nges anakun agogonguke bobo; imonikin nges nenakia.

Ngon nges eipone kede ikoku yenikabeit yen Edeke. Mam ace nubalas luebuonokinos, adiokere nuiyuunit nges. Karai iyunit ijo ngun kotoma abeit, mam Yesu epedori aisab. Isimonikina ijo ebe epukokinitai mamakon. Ijaatar ijo kede aisumunet, ido emamei ibore yenelosi aitikokin ngun. "Kotoma atida na nges adukokini eong ekanisaka," kiany, nukomoyo, akirot naka Abeit napukoritai.

53 Napidarit, kiyengi kotoma aiyuunikon, koyanga aisumunet Edeke. "Eyuunit eong Jo, Ejakait. Isumunit Jo ainakin eong aibatisao naka Emoyo. Eyengi eong kamakon...kotoma aiyuun. Aiyuunika najaatar eong mamaKon, eriunenei eong kotoma aingadisika, naarai aingadisika, kotoma...kanu angaleuka, kotoma angadis Kon, Akirot.

"Mam etunganan ejaari kanuka atap bon, konye kotoma atorob naka Edeke nges iriuna akegogong." Ngin kirot naelomuni kinga kakituk naka Edeke, edumuni nges akegogong kwape ebunio nges kotoma akituk naka Edeke, Akirot.

54 Kwape Aburaam, ajai Aburaam aiyeng. Kwana abu nges kojarite kede Sara ageun eroko erai apese. Karai inacike epuwai, ido abu kojar kede nges ido abu kodukok nges. Ido, nges, ajaatar nges...arai ngesi arakan. Amameotor ngesi kede idwe. Ido kane ejai ngesi kwana, adau nges...arai erai nges akaisakanyangon kalukanyangon. Erai ya naka ikaru akaisakanyauni kalukanyangon luka apolou. "Konye, Aburaam, eyengi kotoma aiyuun naka AkirotoKa. Esumunikini eong jo, abuni eong aswam ngin. Arai eong

El Shaddai. Arai Eong Edeke- loikisin kanu idweKa luiyuunito." Arai mam ijo ikoto aitanak, Ejok, mam ilimuni bobo nukamunitos ngun, kiany ijo. Konye arai irai ijo ikoku, inaki ijo, kiyengi, kanginisumunet!

55 Koany, aiyuun nakabeit iyengi kotoma atida naegogong naka aisumunet naka Akirot naka Edeke. Mam ikunyari. Aiyuun naka abeit esipokina.

Kwape kotoma aicerit naka agolitomei, aicerit naka agolitomei erai aanyunet mamejai nginiketekeran loka Ameer, acuma naitodie agorieik edodiar nges bon mamejai aacerit naka agolitomei. Ido Edeke, Akirot, nges erai aicerit nakagolitomei naka ngoni kristayot, arai iwoliorit ijo, ido erai Emoyo Lokalaunan nges idodikini ijo mamaKe. Mam edodiari mamejai idiobore kere. Iriongeta (isms), kaice kere, Ido Ekristayone inyalakinitai toma kangun, kere nupedor nges korai; erai bala akwapin, ebwosete, ijulakini aacer ngun, konye mam ijulakini aacerit naka golitomei. Kopekwangin emamei ibore yenepedori aijulakin Akirot naka Edeke. Kosipokin toma Ngin, kosalak toma Ngin!

Kwana, aiyuun nakabeit mam ebwosi kanuka aisisianakineta nuka itunga ka aisisinakineta nuesubunitos itunga, ka amamus aiyuun. Esalakin nges ebwoi kede Akirot, aiyuun nakabeit kotoma Akirot.

Ido aibo ipedori ijo aibwaikin aiyuunikon toma obore ice konye Akirot? Arai elimunit Edeke ngun, kojalak ekonibokorit kotoma kaNgin, erai ngin abeit. Mam ebwosi. Iriuni kotoma oitabo loka Edeke loikisin, Ebaibuli, atutubenaKe, nuabu Ngesi Kisumunite. Nuabu Ngesi kisumunite, nges AkirotoKe. Itolomuni Akirot akuanaKe. Ejai araut aomisioit eroko erauna Akirot, kanen do Akirot; kosodi Akirot aitodiar, ido nen nges iriuna ijo agogongukon. Kiyuunite! Kiyuunite! Naarai Lokasuban...Eyuunit, kwape ajaar Ngesi, ekasuban lokasubi akwap.

56 Ebal Aitutuket Nakitetet ebe, kokau kane, "Kwape abu Musa ikajakina emun kuju kotoma amoding, kwape kwangin ikiyarere Okoku loka etunganan kuju." Alosikinet ngipengin. Araibo ngin Inyo? Abuonokinos kesi Edeke, ka adeka ka atiokusio elomunete toma. Kosodi nges aikiar emun kuju. Kanukinyo? Kanuka aitangal kec ka aisionio kec. Ngin nges arai. Ido asinit ebwoikinit etube loka Edeke; ido Yesu nges arai emun ngon etubokinitai, eeca, akirot asinit.

57 Kwana, akaulo nadauna Ngesi aitogogong aitutuket, arai nedaunere aitodiar aisumunet mamake, einakini aiyuun mamejaas Odwe lukabeit luka Edeke. Akirot nges einakini aiyuun, Ngon loikisin. Iswamai ngesi icebore mamejaas kesi neAkirot, arai neinakinere aitutuket aitodiar, koinakini aiyuun mamejaas odwe lukabeit luka Edeke.

58 Kwana ijen oni, kimisiki oni ebe, kotoma kanu, anyaritari nges Elohim. Akirot nginida, kotoma aijulunet kane, apolouke "Elohim." Kwana ireik ejok, kojen ejok. Elohim! Ido *Elohim* erai "Loisilosikina kere." Erai nges El Shaddai, Elohim, Edeke loikisin, Loisilosikina. Mam nges ipuda idiobore kanejari idiotunganan. Nges erai akonaisilosikina.

59 Komisik, nges ngopengon kitejenunitai kane, abu eong kaany ajotet naka lolo neajaar eong aisia, kotoma Yob, Yob. Enyaritari nges "Elohim." Ido apon kitisilioi Yob, kokwenare; koipone ani, koany aitupuset lolo. Konye eyengunit Yob kotoma aisumunet naka Elohim, "Karaida enyamas ikuru luka emokule akuan na, konye kotoma akuanaka aanyuni eong Edeke, loaanyuni eong kanuka." Aiyengun Kotoma Elohim, mam ace nuepote.

Kobu akeberu, kobala ebe, asilikinit do ijo, Yob. Ido kane kopote ikesinapikinak ke nejari ngesi, "Oo, kiany ijo nueswamaikinos ijo, esapat lomojong? Alimokinit eong jo ebe idiakarit ijo, kangonisawa. Koany nuswamaunos?" itunga luipu eminas acakanakin itunga akiro kwangin.

Yob nges etunganan loajok kakere kotoma apakike. Etungana loajok kakere loajatar Edeke toma akwap nges Yob. Abu kolimok Satan, "ebe emamei loeputos kede nges." Amen. "Ipodokinitor ijo nuke?"

Kotemari Satan ebe, "Eebo, nginibore kere ebuni kapatanu kanuke. Kolema abwas naigalunitor ijo nges kocamak eong atiror nges. Ainakini eong nges aiken Jo kitoni oreeteKon." Abu iswama kanginibore kere yenapedori nges aswam, konye mam apedori.

Abu Yob kosalite toma aisumunet ngin.

60 Apotu ikesa ice kotubunos, kosodete atemar ebe, "Kwana, kwana aibodo ejari Edeke ngon loabu ijo kineranana nuke? Uh-huh, koany nu, Iyuunit ijo Nges araut nu, koany nuelosete ngaren kwana."

Konye abu ngesi kosalakite iyengi kotoma El Shaddai, mam ace karaida eridakinito nges abusioke kwangin ido osubite ajarake bala adauna. Eboyei ngesi kotoma otut loka ekuron, ekoi akebusio.

Kotemari akeberu atiar, "Ijo...kanukinyo mam ijo ikenio Edeke kosodi atwanare?"

Kobongok ebe, "Inera do ijo bala aberu nabang." Oo, ikatunga!

"Ejakait nges ainaki, ido Ejakait nges ayanga, Kituritete Ekiror loka Ejakait. Amunokina eong Elohim. Karaida emudia Ngesi akuan na, enyamasu ikuru luka emukule nges, konye kotoma akuanaka aanyun eong Edeke, loanyuni eong kanuka; akakonye nges eanyunete mere nuka ice." Abu kolom kotoma Matayo 27, neapotu lukalaunak kojarunatar, kolomut kinga kosodete Alomar toma, konye kangin...kolomas toma oibuga. Aitupuset naka lolo, konye kedaritos, amunos aisumunet.

61 Komisik akaulo nanges atakanun Kokiror kalo, Kokiror loka Edeke lokapedor kere.

Kwana, ekanisa, kwana ipedori oni Adumun aisisianakin naedit kane, epedor aticepak araut naemojira kanekon. Arai mam ijo iyuunit ngin, eraas do ngun nukon. Ijai kwana oni ne, alosi eong einer nuaomit eong. Ijatar ijo da apedor aomit kere nuikoto jo aomom.

Konye, komisik, iboro lukere araas "aitupuseta, itoribei, kede aanyuneta," kwape abalar Ebaibuli ebe eraas kesi. Eraas kesi kere ngun. Ido nu kes, Ajai Edeke aiswamanar kede Aburaam kotoma alosit, kwape elosio Nges aiswamanar kede aur Nakakabakanut naka Aburaam kotoma alosit. Koany, ebuni Ngesi iswamanar kede Iyudayan koipone kangopekangon. Apotu kere kogeut kotoma kanen, kotoma aisumunet naka aitutuket; atekerin kere, itunga da kere.

62 Koany akaulo nakatakanun kotoma Okiror kalo loka Edeke loka Apedor kere. Kosodete apukokin nges ebe arai Ngesi Loisilosikina kere. Amameotor Ngesi ikengarakinak; mam nges epuda edioda, karai ikewadikak, arai Ngesi obonipe, Edeke. Arai nges Edeke, bon, ido abu kitanyikin Aburaam Kokiror kalo, ido abu Aburaam komisik Ingai Ngesi, abu Ngesi kijulak ekiror loka Aburaam. Kwana abu nges kodolok toma aileleba naka aiyuun kwana. Kiany neadolok kwana Ekanisa? Aomit eong isiomete kwana yes kiding naka ikokoron. Adolokin toma aiboisit naponi kopukokinere nges ibore yen kerai ngesi, kosodi ngesi aijulakin ekiror loka Aburaam tetere aisumunet itodolikinio.

Kwana ibala jo, "ebe emamai ibore ejai toma okiror."

Kanukinyo ejulakina Ngesi ekiror loka Aburam kitoni araun Aburaam? kanukinyo ejulakina nges ekiror loka Yakobo, "ekasaban," araun Isirael, "Okoke ekabaka kede Edeke"? Kanukinyo ejulakina nges ekiror loka Saul araun Paul? Abeit, ekirorike, cut, cut ejai apolou naibore iswamai apolou naka icebore. cut ejai. Arai mam emakitai ijo ekiror ejok, ijulakin Edeke nges, arai enyaraut nges ijo. Eebo, ipa.

63 Koany, abu kijulak eKekiror kane kwana, anyoun Aburam araun Aburaam, Akepolou, "Papa loka atekerin," abu kiyatak a-a-m, Aburaam. Kanukangun abu nges kiswama nu tetere aisumunet nairikakina itodolikin. Ido okoku kwana, loesumunitai adaun aojau, epedor aanyun, arai, acekiro, apukorio, neabu Ngesi kijulakina ekekiror ka neabu ngesi komisikina Ingai Ngesi. Apedori aticepak Nges, apedori ngesi aomit ebe ajaas ikecewupasia; konye abu ngesi komisik ebe arai ngesi Elohim lojai bon, Edeke bon, konye, neabu ngesi kiswama ngun, kosodi do Nges aijulakin ekekiror. Kotema ngesi, "kwana, Aburaam, mam bobo kinyaritai ijo Aburam, konye *Aburaam*, naarai, 'Papa loka atekerin,' etarau eong ijo." Aburaam, kwana, ejai nges toma ojautene kwana. Ejai ngesi toma ojautene akaulo naka apukokinio naka kanuerai Ngesi. Ajai dokwana ngesi toma ojautene loka aanyun okoku epukorio.

64 Ekapakina okoku abunore, kanu apukorio. Oo, idwe luka Aburaam!

Koany, abu kijulak ekiror loka Ekiyakiake, cut kotoma apak naka wasia. Bon kanuka, arai akaisakanyangon kalukanyangon, erai ekaru ediopet ideuna, kosodi ngesi aijulakin ekekiror kanejai Aburam araun Aburaam. Aijulakin ekekiror, kiyatak a-a-m, akepolou "papa." Abeit nges araun papa, papa loka aisumunet; papa, aisumunet.

Oo, arai ijaatar ijo kede amisikin nakomoyo, kopupok! Akaulo naka apukokinio naka Ekekiror, nuarai Nges, kijulakini ngesi ekekiror. Kwana akaulo naka apukokinio, kwana abu Ngesi kinom akwap, "Emamei atukot naka Idekesio; ejai Ediopet bon," kwana erai apak naka apukokinio naka Okoku loda esumunitai kanu apukorio mamejai aur naka Aburaam nakaekabakane, loka aisumunet.

65 Koany, abu nges kijulak ngin kanejai Wesley, Baptist, Presbyterian, Ipentekotin. Mam eong ajeni arai alimun nu araibo mam. Mam ijo ebeit aiyuun ngun. Konye amuno eong ibuni ijo aitim eong, naarai mam eong akoto aitiipil yes.

Konye, koany, mam ejaunar ekiyaka mamejaas ikanisan luka Edeke, anaatar eistore kere kaimoriarit loka apak, lojaatar ka engarenon, ageun kositeteunak, bala engarenon loijaar oni lolo, Billy Graham, abeit, naarai alot ngesi akwapin kere. Kiany? Ido, koany, mam oni ijaunar ka etunganan, edio ekesiteteunan... kiyanga oni Sankey, Moody, Finney, Calvin, Knox, lopedor araut kere, Wesley, Luther, mam ejaunar ediopet loabu ekekiror kongetakinite kede h-a-m, kokau. Ekiyaka bon loijaunar oni kotoma aturio nuka ekanisa, longetakinite ekekiror kede h-a-m; G-r-a-h-a-m, Graham.

Ido Graham erai anyukutan akanyape, ido ikanyape erai enaba loka etunganan, apaaran naka etunganan; nasubunere etunganan, kotoma Ageun 1:26, arai kotoma apaaran naikanyetkape. Konye ikanyakaerei erai esula loka Edeke; apaaran naikanyetkaarei, abu Edeke kiyeng. Mere akanyape, aitodiar lo

G-r-a-h-a-m eraun neejai ekanisa loejai toma akwap; konye, A-b-u-r-a-a-m, Aburaam erai anyukutan akanykaarei.

66 Atemar, "Emamei ibore yenejai toma osulai." Mam do ijo kijen aimar naka Ebaibuli. Kiany? Irai do ijo kotoma Abeit loibuni adumun Ngin koipone kalo ibiroro kwana. Cut.

Edeke erai "Loitekoora" kotoma *ouni*, ido "emaio" *kokanyarei*, ido "Ecodunio" kotoma *akaisangon* ido "Eyubili" kotoma *akaisakany*, oo, nuikoto ijo aswam kere. Aimara kere, elosi Ebaibuli kotoma aimar.

Koany, loikanyetkape erai ekiyakia loebait aiyakuun mamejaas akwapin. Ido, koany, ikanykaarei erai enaba loka Edeke.

Ido koany kotoma apak ke naka atakanun kwana, karaibo apukorio naka Okoku. Naepukorere Okoku. Apotu kodaunitos amisikin EkiroriKe, ajenun nuerai Ngesi. Erai Ngesi El Shaddai, lokApedor kere, Elohim. konye kwana ibu oni kwap toma apak naka Okoku lokesumunitai kanu apukor kanuKe. Okoku, Isaak kanuKe loesumunitai, ekapakina abunore toma aiboisit.

Ido mam Nges apedori aswam ngun aitodol Nges aijukar ka aijulakin ekekiror kanejai Aburam kitoni Aburaam, naarai "papa loka atekerin, arai ngesi." Koany, -ham, h-a-m, "papa, papa loka atekerin."

67 Koany, eipone loriamarar ngin kede Malaki 4, "Ainyakakin aiyuun, mamejaas luka papa," Icofat yenAburaam ebeit ainyakakin bobo toma aiyuun naka eipone kanajaatar Aburaam, Icofatake yenAkabakanut. Malaki 4 ebeit aitodolikino, erai ainyakakin bobo Aiyuun nakolo ajai sek kotoma ageunete, ainyakakin Ngun bobo mamejai Icofat yenAkabakanut naka Aburaam. Erai aisumunet. Erai aisumunet cut. Icofat yenAkabakanut ebeit apukor, ido kanuka...Icofat yenAkabakanut, yenida erai Icofat yenAkabakanut, naka Kristo. Kristo nges Aur Nakabakanut. Ido Icofat nges Emoyo Lokalaunan loejai toma otaun luka itunga luyiunito Edeke, luitingito AkirotoKe, ido Edeke iswamai kotoma kec, edakit Aisiraret ngipengin. "Apak naedit mam bobo eanyunete Eong akwapin, konye yes ianyunete Eong; ajaun eong kede yes, ido tomakus. Ido aswamisio nueswamai Eong, iswamaete yesida." Kiany, apukor ngin kotoma apaarasia nukawasia kane, eipone loebaitor abunere.

68 Kwana, kosesen esula lo 18 kwana. Katipet akaulo naejulakinere ekiror, kotakanuni Edeke, aitodiar kanuKe kotoma akuan. Akaul naetijenunere Ekiror, Loarai Nges, kotakanuni Edeke kotoma akuan. Aburaam, apaaran adiope namwana, bon isabitin idis arai ilapio eroko Sodom enokiara ka Isaak abunere toma aiboisit. Ido, koany, Ebovei Aburaam kokwap naka elua ke.

Ido kojai Lot laiye toma Sodom, ido kinumunumete alelasia nuka akwap. Konye, korai ngesi Ecokon Lot, arai motoko ngesi loajaatar ka isipan idioi yenajokuna kokwap kangina. Nupeabu ngesi kiswama, ebala Ebaibuli ebe, "Amamus adolit ka adikanareta nuka apak apotu kitakadikisi etaube loadolit." Kanukangun ekot nges kojaunar ka luipu luka Lot nuka atinenikwana lolo, konye ajeni ngesi ebe mam apedori alimun idiobore yenikamunit ngun. Aso kanen koany, nen ajai nges.

69 Konye Aburaam, akaulo apukokinere Nges ngon, kwana, arai Elohim nges Loeneras ka nges. Kwana iboei ngesi kokwap naka elua, ido kane kodolunete itunga iuni, elosete kwape itunga. Kosesen aitodolikino naka apukokinio, naka nuarai Edeke, ajai mamejai Aburaam, nuabu kiswamak nges. Akaul aijulakin ekekiror kanejai Aburam kitoni Aburaam, abu koany ikiliok iuni epote, kosodi anyara iuni, Ediope, "Ejakaitika." Iuni ka kes, araut Idiope. Mere kwangin kede enaaba ikanyape, Lot; abu koany iarei epote, kosodi nges atemar atiar, "ijaka ka." Aitapoete Aburaam ka apukokinio abu kitodik nges ebe arai Ngesi Kere-Loisilosikina Elohim. IcofataKe ebeit adumun ibore ngipengin.

Koany eipone loabu Nges kitodiaror Ngeselopet, eipone loabu Ngeselopet kitejenaror, arai adolit ngesi arai mam. Koany, mamejaasi luyiunito kabeit, anyoin aanyunet nabu Ngesi kiswama. Nunyoika abu Ngesi kitodu, kanu ainakin nges ajenun ebe arai ngon Elohim?

Kwana, kotema ngesi atiar, "ejakait ka." Erai anyukuta napolon E-j-a-k-a-i-t. Edio loisisiat, ijeni jo ngon; edio loisisiat ejeni erai ngon Elohim, Kere-Loisilosikina Ediope, Elohim.

Abu etunganan kalimok eong, adiope pak, "Mam ijo iyuunit ebe arai ngon Edeke?"

70 Katemari eong ebe, "Abeit eswamai eong, Abala Aburaam ebe arai Ngon Edeke. Abu kinerata ka Nges; ekoto nges ajenun." Eebo.

"Oo," kotemari ngesi, "ibala ijo Edeke aibwo kangina ainyam akiring naka itaok, ido aimat akile nuka akiteng, kosodi ainyam euga, kere nuikoto ijo anyara ngin kangina?"

Katemari eong ebe, "Abu ngesi kiswama ngun. Kanukinyo, mam ijo ijeni Edekewok." Ejok, ikatunga, apedori ngesi bon...kanukinyo, abu ngesi bon kodol...

Iswamatai oni kede iboro (elements) itomonakanykape; apeteroli, apua nuka aica, ka ekuron, ka amuunyu kaice da, bon iboro (elements) itomonakanykape. Abu Ngesi bon kikam ngun kere nepepe,

kosodi aiyengakin toma kangin, ido alosit kwap kotoma akwap. Eyalama eong noi naarai erai Ngesi Papa loka eipone kangon. Karaida enyamasu ikuru luka emukule akuan na, konye ebuni Ngesi anyarar ijo. Isumunit Ngesi abuni aswam ngun. Erai Ngesi Elohim. Komud bobo ace ileleba akan, kosodi alimun, "kobia ne, Woodworm," arai loarai kere, Komalaikan, "ido kobuni kwap. Kaloto kwap ido kaanyutu Sodom, iteijo nuelosete ngaren."

71 Ido Aburaam, akaulo naka apukokinio, abu koany ngin kosodi ngesi ajenun ebe ajai Edeke ediofet. Kosodi ngesi aanyun ngin, ido alimun ebe, "EjakaitiKa, kobia osiep, kiboikin kwap, kocamak eong ailot akejeKon." Kwana, mam nges abu kotema ebe, "ejakait..." ido, koany, ejai toma anyukuta naka apolon kanen. Idiutunganan ejeni ngin. Adumunit eong Emphatic diaglot. Kiany, Erai E-ja-k-a-i-t, "Ejakait," Elohim, Ediope Kere-Loisilosikina. Kotemari, "Kocamak eong kawok akipi adis ailosia akejeKon, ido ainakin ijo atap adioi, kanen do ipedori ijo alosit korotoKon."

72 Kolim, ajai eong aiyapa noi kane. Ekoto eong aisunyakini. Akoto eong abongun ne, ido mam eong ajeni arai iworu apedoria eong. Bon kongirikinai eong apak naeaja mot, yesi ipedorete? [Kotemari atukos ebe, "Amen."]

73 Koany, Elohim, Ediope Kere-Loisilosikina. Edeke. Kosodi Ngesi atemar...koany nuabu Ngesi kiswama.

Kwana, kogearete iarei Kakesi, apotu kinyokisi asesin kwap owalo koSodom.

Ido kotemari nges, "Iwomit ijo abuni eong aidar na kwape aiyeyea Kanejai Aburaam?" Mam Nges iswamai idiobore kilema epukoki inabin Ke. Kiany, einakini Ngesi kesi ajenun ngun. Ido kotema Ngesi atiar, "Mam eong alosi aidar nu, Kasesenete isirerengit nges Edeke ido alosi nges airumu akwap, kede aceda. IcokataKe Elosi araun, ejaasi ngun da, alosi araun papa loka atekerin nuipu. Mam eong alosi aibwa ngun kamake. Alosi eong acamakin nges ajenun." Ido kanukangun kotemari Ngesi atiar, kogeu apukokin nges.

74 Kosodi Ngesi atemar ebe, "Aburaam," mere Aburam. "Aburaam, aibo ejai akonaberu, S-a-r-a-h?" Eponeani ajenunia Ngesi ngun? Ejok, bon apaaran adiofet kau, arai ngesi Aburam, apaaran adiope arai aarei eroko ngun. Ido arai ngin Sarai, ido kwana erai ngesi Sarah. Ido nges da erai Aburaam. Kotemari, "Aburaam, aibo ejai akonaberu, Sarah?"

Kobongok Aburaam, "ejai ngesi owema, kauKon."

Kotemari ngesi atiar, "Alosi eong aipejokin yes kotupitete apak naka aijar. Ido okoku lo loesumunitai, ekapakina abunore toma alaro kwana. Ilosi ijo ajaun kanges."

Ido Sarar, kotomake, kosubu bala akweniar, ebe, eong amojong, ido ajaun kalelakinit keda ejakait ka bobo, ido nges komojongite?" icebore koipone kangon, aso, naarai kerai ya ikar akaisakanyangon, ido korai ngesi akwatat. "Ido kanukangun kwana eong apedori kereka aswam ngun bobo?"

75 Ido Emalaika, ekiyakia, Edeke kotoma akuan naka etunganan ebala ebe, "Kanukinyo akweniara ngin?"

Arai ngin aitogogonget. Kanukinyo? Aitodiar ebe arai apukokinio nakabeit. Aitodun ebe nuabu ngesi konyarite Nges, Elohim, arai abeit. Naarai, arai Ngesi Akirof. Naejai toma Iburanian, osula lo 4, okokoro lo 12, ebala ebe, "Akirot naka Edeke ekwana adeper ekileng loekwana iwaitin iarei, ido emisikini aomisio kede alosikineta nuka Etau." Ido neaanyunia Aburaam ngun, abu do ngesi kojen cutabeit ebe apedori do ngesi anyara nges, "Elohim." Elohim, arai Ngesi Akirof, "ngipengin bian, lolo, ido ikaru kere."

76 Komisik neabu Yesu, Icofat yenakabakanut yen Aburaam, abunore toma alaro, abu Elofet kitodiar mamajai icokat yen kakuan naka Aburaam, kotoma aanyunet ngipengin. Kosodete anyara Nges, "Belesebul." Abu kitumudak kesi, lumam eyuunito, abu kitumudak kesi ido koinak kes ainyanakin, ido kijuka kesi ogeana. Konye abu koinak asesin namam edaun mamejas ikeyuunak, luapotu kinerakinitete mamajai aijar namam edaun.

Koany, abu yesu kisumunite ngun...kotoma aparasia nukawasia, neperoko abunore naka okoku loka etunganan, ebe abuni nges apukor akekuan, kotoma aparasia nuepukorere okoku loka etunganan, abuni icokat Aburaam yenakabakanut aanyun anyunet ngipengin. Kwana koany, neabu Ngesi kotemara ebe, erai nen Luka Lokalaunan 17:28 kede 30, "Ido kwape kejatar kotoma aparasia nuka Sodom." Kwana, Abu Yesu kolim nu. mam Eong ikamunitos ngun. Nges...ikamunitos eong nueiner ngun, alimun nubala nges. Konye, abu Yesu kolim nu "Kwape ajaar kotoma aparasia nuka Sodom, kopekwangin ejaunotor kotoma abunore, abunore naka okoku loka etunganan," kwana komisik, nepukorere okoku loka etunganan toma okanisake."

77 Kwape Aburaam. Arai ngesi Edeke, abu komeete abunenen kwap; aitogogong aitutuket, amisikin ingai arai Ngesi, ido ekekiror aijulakin. Koany, abu kijulakin bon eroko Nges edolo toma orongat, aiteluor Sodom, bon eroko Okoku loesumunitai kebuno.

Abu Yesu da kolim aput ngipengin. Ajai Yesu esiomi Ebaibuli ngopengon loasiomi eong ka loisiomi ijo. Arai ikoto ijo ajenun ibore yenarai nges, kobongo kau kosodi aanyun nuswamate kesi kaparasia nuka

Sodom. Koany, mere noi kaparasia nuka Noa (Abu ngesi kinere nuka adoteu kec, eipone loanyamiatar kes, komasete, kodukonokinos, kainakinio odukone), konye kotoma Sodom.

Kwana ngina "emameete bobo akip," abu Edeke kisumunik ngun kotoma aanyunet naka etaluka. Koinak Ngesi oni aanyunet. Einakini duc Ngesi aanyuinet. Etaluka...kiitunenei duc Ngesi aanyunetaKe. Erimarit duc ngun anatar ikaru, mam duc ekurokini ainanakin aanyunet ngin naka etaluka. Einanakini duc Ngesi aanyunetaKe. Koany.

Ido kotoma aanyunet kangin, abu nges kisumunik mam amudiar akwap "mere bobo kede akipi," konye abala Ngesi ebe ebuni "aicwear." Ido komisik Yesu kane ebala ebe, kwape ajaar kotoma aparasia nuka Sodom," Abunio amudiar akwapin nuka Imo. Lukosodom!

Kwana koany adoteu naka atekerin. Koany adoteu naka ekanisa, kwape ka Lot. Koany nuejaas kwap akidingot kec: Ekiliokit, G-r-a-h-a-m, aisiarar kes awai, kesi lukapolitiks, mamejai ekanisa loka kotoma akuan. Kwana kotoma okanisa loka kotoma omoyo...

78 Ejaas duc atukono auni nuka itunga. Kesi, ikeyuunak, lumam iyuunito, kede luka esoswai. Ejaas kes toma kangin tukot kere. Arai ipupunitor ijo alelasit napunitor eong, tijo kijen ebe ejaas kesi ne lolo. Aso kanen do, kanukangun, yes...ka kere iuni. Koany, nen nges ijaas yes, ejaas duc kesi atukono auni nginiboisit.

79 Kwana arai ipedori ijo aanyun ebe abeit araun ibore ngipengin naepukorere Okoku loka etunganan mamejai Icofat yenakabakanut naka Aburaam, kotoma Kristo (Kristo nges Icofat yenakabakanut), naepukorere Nges kaparasia nukawasia. Kwana, kotoma aiboisit ke, ejai akwap esipokina becebec, naarai Okoku loalomuni koKide elomari kotoo. "Ido kerai apaaran naiturur," eswamaun atukosia, iriongeta, "Konye ejaun aica kapak natibong," Ebala enabi Yeremia. Kwana, ido kotoma aparasia nuka okoku kangon, ebuni Ngin kokau naka idouon luka erionget, apukor Ngeselopet, ebala ngesi ebe ebuni akwap ajaut kwape kaparasia nuka Sodom, ido abuni Okoku loka etunganan apukor Ngeselopet bobo mamejaas itungaKe. Koany eipone loabu Ngesi kopukokinor mamejai icokat yenika Isaak; aso koany eipone loepukoror Ngesi mamejai Icofat yenakabakanut, ateran nakabakanut, Akabaka. Akabaka nges Icofat yenakabakanut.

Kwape abu Edeke kolemana ateker kama ejai ateker, kOmisiri, ejai Ngesi alemun Ekanisa Kama ejai ekanisa, araibo Ateran kama ejai ekanisa; Ekanisa kama ejai ekanisa. Ido atongot kotoma Icofat yenikaberu, arai ngun nges nuaponi kideunai, "ejaun aimony kede elulu kede airiamanakin ikela, naarai amameotor kesi akinyet katalaikec, Emoyo Lokalaunan," kangin duc ebwoikinitai. Nen kes ejaas kesi.

80 Edaunitai asipokin aiboisit ejok. Ido kwana koany kotoma kuju naka eukot. Kwana, Ekanisa, Aburaam; Lot; lukosodom. akwap; ekanisa; Luseuna. Ekanisa, Ateran, kinga naka ekanisa. Ijai kisipokina aiboisit nakabeit. Ejai akwap bon aijekoor nakabeit toma kangin.

Itapario! Kanginibore kere itaparitai. Ngun kes alimokini eong yes, nginibore kere itojokaaritai.

Ejesun eong kwap, anyun aanyunet nakapolon, ebe, "emuduma loitojokaaritai." Kanukinyo, emamei ajokis. Emamei. Ibusakinin ngin ainakin yes ikapirin asomanar. Kobala Edeke ebe, "Kitolomu ngon kinyomit nuka aputoke." Ido ipedori ijo aitojokaar emuduma ido ainakin nges esubit emuduma lokajokan, konye mam ijo ipedori aira nges bobo; emameotor ajar kotomake.

81 Ido ngon nges eipone loiswama oni Ekanisa. Kitarau oni ngesi loibus, kasodete aitubusiar nges kede iboro luemwekimwekete luka iriongeta, konye emameotor Ajar kotomake. Mam bobo epedori aitolomun ajenanut naka ebaibul bobo. Kiany? Mam bobo epedori aitolomun ajenanut naka kristo lokajaran. Erai aswamasioit naitojokaaritai.

Itunga luenapitos ejok, kotacete ejok, iriongeta luepolok, kobaritos, luka Atur naka Laodikia, becebec. "Ebarito, emamei ibore yen ipudas; komam ejenete ebe eraas luitimitai, lueturiatos, imudukiok, ido icanas, imujalas, ido komam ejenete." Karai kojoni etunganan ebe imujalal, tijo kinere kede nges. Konye nemam nges ejenia ngun, ngin nges adoketai nakamamus aiyalama, luitimitoi. Mam icaarito itunga, konye kojaas kaitim. Idobodo korai ijo ngin kotoma ojautene ngon? Idobodo korai mam Akirok kepukokinitoi ijo, nunyoika tikiswama jo? Inyon ti ice eraun ajokis, korai akonikonye komudukaka komam ijo ipedori aanyun Ngun? Eraun amamus aiyalama?

Ido bon becebec kosipokina. Mam ijo ipedor atiror; kanen esipokina, nupenera Ngesi ebe apote aiswamaun. Aanyuneta nu epote ajaun kotoma aparasia nukawasia." Koany neiboitor kesi, bon becebec.

82 Kwana koany, aitojokaar. Ijen ijo, arai idiobore eong...Koyanga ijo, kwape kiyangara ijo asigiria, kosodi aitojok ngin kede ebalasit, abalasit, ido inyo kidumuni ijo? Idumuni ijo enyubu. Konye enyubu mam bobo epedori aur. Kiany? Abala Edeke, "kitolomu nginicokat yenikepone." Kwana aibo ebunitor aijulanakinio kus ngin? Aswam kus ikulepek etoron nuiyuunitos yes. Ebala Edeke ebe, kitolom nginicokat yenikeiponeke." Mam epedori abongokin bobo araun ibore yenikerai sek. Mam, mam. Adaun ngin.

Ido aomit eong ebe inyubu nges ibore yenemamei aijen anyunitor eong. Mam ijo ipedor aisisianakin nges icebore. Iboikin ngesi nen kede akii nuepolok kowojak, ijen ijo, ido idari ngesi kitoni edakika loka atwanare kanu aipet jo, eroko nges etwana.

Mam ijo ipedori aisisianakin nges idiobore. Isitikit eong...Esali ngesi iboei kanen, ido ilosi ijo alimokin nges iboro, isitikinit eong nuka itunga ice, luenyaraikina ebe eraas ikeyunak lolo. Akii nuepolok kowojak, aiboi kanen, ido, "Atuboros apaarasia nuka aswama nukaumokin. Haw! Haw! Haw!" Mam nges ejeni nekebungio. Mam ejeni idiobore yenikamunit Ngun. Ibore bon yenejени ngesi erai aisisianakineta nuka itunga nuecekanisa.

83 Konye bere eong kalimok ijo, ajaatar eong ayongit ekinyomit lomam itojokaaritai. Esapat, epedori ngesi alimokin ijo alibunet ke. Epedori ngesi alimokin ijo lukapapake. Epedori ngesi alimokin ijo, ingai totoke, nuarai papake, nuarai totoke, nuarai tatake, nuarai papake. Ejaas nges kede alibunet.

Kwangin ejaar alibunet Ekristayot, ekeriari ngesi cut arior abongor toma Oitabo loka Aswamisio ido aanyun neaponiatar kesi, alibunet naka Ekristayot, loeuritai kEmoyo kangopekangon, ibore ngipengin, iswamai koipone kangopekangon.

Kede ikareak ngupengun; asigirian ka abalasin enyamete nepepe. Erai ngin abeit. Nen nges ijai ijo. Eyangaikin ijo ajaun kede ngin, karaida. Erai na apaaran naka iboro kaluitojokaritai.

84 Aanyunit eong atutubet kotoma *ainyabuket naka ekasoman (Readers Digest)*, mere noi kokau, "Kinyokokisi aitanyama angor kede akiring naitojokaritai ka iboro, mam ejaunos kede ikecedwe. Ejaas aijulakin. Ejaas apoloor kokeperin, kosodete adisiar kotoma otulin." Kanukinyo, erai ngin, ijeni jo etunganan duc emunaari akekuan kanuka akerianut (Civilization).

Kobongutu mama ejai Edeke! Kiyuutu Edeke. Kobongutu mamejai Icofat yenisek. Kobongutu kosodete aiyuun Ngin. Kisiomata yes ate...ijaatar yes atepun ka, nepetai, aomit eong ipupoto kes, kotoma: *Icofat yenisek*, ka *Ekitoi Ateran*, ka iboro ngun, nueraasi abeit. Ejeni Ejakait ngun.

Eipone loeneritere iboro ngun, ilapio ka ilapio. Yes itunga, nuisesenete yes kane, eraas ngun nuedisiak, nuiwanyutu yes iswamas. Kingitata itunga luadautu aojau, kingitata araida adiope paaran ibiroro. Inera nuka itunga, amaran naka akwap, iboro luelosete aiswamaun. Elimokini oni Emoyo Lokalaunan. Ngin erai abeit? [Kotemari atukos, "Amen."] Ngon nges etunganan loabu...Abeit. Ido nuka itunga luegelegela.

85 Kwape Marilyn Monroe, kokau eroko nges ketwana. Ebakai ebe abu ngin komiedakin. Mam nges iswamat ngun. Abu nges kotwana kede ariebo naka Etau. Kotoma abeit.

Etunganan lo, ekajion lo. Apama ngin nakoGirimani. Iboro ngun kere, bon ilukumin luka iboro, kaitekooro cut, nginipak. Mam epedori araut icebore bobo konye Emoyo Lokalaunan. Kiany? Kiany? Abu kisumunite ngin.

Abu koinak iboro ikanykaarei kotoma okaru 1933, apote aiswamaun. Ido kwana nginidiopet kakesi adautu aitodolikin konye iboro iarei bon, kotenan, kotoma aitekoro. Eipone ngon karaida Preisident Kennedy tiayangar toma. Ejai ngin cut toma ngina koitabonoka kopekwana, ineritai ikaru akaisauni kaiuni kau, kotenan. Eipone ngon titolosere aidukio naka Apama, ikaru ikanykaarei eroko eduko. Epone ebe loti ebunio Hitler aikeun, ka apugan nakaepate ediope (Fascism), ka apugan natorob (Nazism), ido kere angetakin kotoma apamorane, ido epamorane emudiar Etulikane. Ido ebuni, Eebo, mam ace nuelosete kesi aswam. Ido aitodiar, ebala ebe ebuni ekansulo loka aimorumorun ajaun (Ecumenical Council), ido eipone ngon eponiata ikanisan kere abunore nepepe ido kiswamaunete aputo naenyaritai Emacar loka Etiang. Isesen ijo kes korot, kopekwana. Erai cut nakabeit. Ebeit ngin aiswamaun, naarai mam ngin cut ekurokini ajaun.

Idiotunganan kere yen ejenunitor ngun, idiotunganan, koyanga kes airimor akwap kere, mam ibirorar karaida irwanatipet. Ilapio kede ikaru ngaren naka apak, erai cut naitekooro kaitebeikin. Erai Edeke kokiding kus, itunga; Edeke kotoma wok, Emoyo Lokalaunan. Komisik, abala Yesu ebe Icofat yenakabakanut abuni aitodiar kede ibore ngipengin, kane kotoma Luka esula lo 17."Oo, kobongutu Wu luimwangitai, kotoma oriongeta kus, mamejai lokus."

86 Idio kaon epedori aiyuun ebe Edeke...Arai iyuuni ijo Edeke, ijeni ijo itangali Edeke ikadekak. Emamei aingisete kanen. Kanukinyo, Arai mam ijo iyuunit ngun...Ijeni jo, abalas kotoma aparasia kangun, "Yawe, ijen oni ebe epedori Ngesi aitagale, konye mam Nges epedori aitagara." Kwana, "Epedor Ngesi aitagara, konye mam epedor aitagale." Kiany, bon ajokit ngipengin, ibore ngipengin. Erai Ngesi Eketajaran ka etangalon. Erai Ngesi Yawe-Yire ka Yawe-Rapa.

Oo, kobongutu! Kiitute, abu kisumunik aiboisit na, naka nginibore kere kosipo bon koipone loejaar kwana, ngun nuti epote atakanun. Abala Nges apote atakanun, ido ejai atakanun.

87 Ikatunga, kitimoi. Esibo eong yes noi kwana. Ketuluroto awokakwes Edakika, alosi eong... airikakin nu kere, aticepak, akuare naka moi. Ajatar eong apapulai ace akanyape kotoma kanuwadikatai ne. Kotuluroto akwes apak nadit. Koraas numunon, ekangin tunganan.

Ipedor ijo aticepak amamus acamanar kede eong; ijatar ijo apedor aswam ngun. Ajatar eong da apedor aitetemun nuawomit eongo. Adumunitor eong ekokoro. Kwana, mam ace nuapedor eong alimun, karai mam Edeke itogogong ngun, kanenido Urim Tumim mam iswamai, kanenido agiri ngin. Mam ace eipone lojokar nges, karaibo eipone losubitor bala erai abeit, ibusakinit Urim Tumim aitodiar ngun. Ejai icokat adolokin toma aijar. Karai mam, edumun do ebe mam ekoninen.

88 Kwana, kanuka aitangale, atamit eong alimokin yes ebe mam eong arai eketangalon. Ejaas ikiliok luipu luenyaraikina kwape iketangaleok. Ido ipu noi luetoronak luenyaritos itunga iketangalok, ngun, bon kanu aitoronaar. Ekecetaunon mam etenitos kede Edeke. Kiany? Idiotunganan kere ejeni ebe ememei etunganan loepedori aitangaleun loce. Edeke nges itangalei adeka. Kocamak Edeke konyarau akonatwanare, ido kilip kere eipone loikotor ijo, ido Adekis da aicumanakin ijo ipiso loka ikee kanginipak, ido itwani ijo kopekwangin.

89 Karai atub eong akakan lolo, kasodi aibwo kane ka akan naetubub, emamei ekia edio kotoma akwap loepedori aitangaleun akakan. Imameotor oni ekia loitangali. Emamei ekia loitangali. ediomuron kere kilimokin ijo ngun. Iteomonokinete kesi nen kolai konye Edeke nges itangali. Mam nges epedori aidukun akiring. Arai atub eong akakan, ido, "Oo," ipedor ijo alimun ebe, "Eebo, Onac Branham, ejai ekia loepedori aitangaleun nen." Ejok ngin, akoto eong ajenun inyo ngin.

Mere eong ketodik yes. Arai atub eong akakan kasodi aibirokin nen atwanare, epedori emuron abunore ido aimuke atesika kosolite elai bala ejari adaun ikaru akaisakany. Adonyokin akakan, kosodi ayangar eong kinga ngina ido ainomakin epenisiling, kanginiparan, ido kotoma okaru akaisakany ageun kwana atubesait ngin esalakini cut bala kwape kajaar naeswamaere nges. Korai iswamatete ekia kanuka aitangale atubosit, kanukinyo mam itangaleuna? Ediokia kere itangaleuni atubesait naejai toma akanika, epedori aitangaleun atubesait karaida kotoma abao na, ti kitangaleu atubesait kotoma okotika. Korai opedori aitangale atubosit, kitangaleuni atubesait kanenidio kere mam ace nejai ngesi. "Ejok," ipedori ijo alimun, "Kanukinyo, iswamatai ekia kanuka itunga." Ido kanukinyo mam nges itangaleuna? "Ejok," ipedori ijo alimun, "Anyou aijar kotoma kon." Kanenido ejai icebore kinga naka ekia aitangale.

Erai aijar, abeit, ido aijar erai Edeke. Kotoma abeit, erai. Konye kereka koraas ice adiakanaarak, itapaara ka ngun, konye kojai ijo kotoma aputo naka Edeke. Ido aijar najatar ijo nainakini ijo Edeke. Ijeni ijo ngun; mam, naarai Edeke erai loitangalei. Aijar nges erai aitangale. Iyuunit ijo ngun, kiany. Aanyu nui pu iswamasi!

90 Kwana aso acamutu Nges, mam yes? Eroko oni kiswama ngun, mam eong ajeni arai imwasai kotoma kane ecamunitos, eroko...arai iras yes lolo abunore, mam ijaunatar nee sek, konye iyuunito yes Nges araut Okoku loka Edeke? Ido kotoma kanu, Aisiraret naka lolo, Akiroto bon, eroko ber Nges kiswama idiobore, ebe iyuunit ijo Ngun, ido ipuda ijo eong aitun ijo kotoma ailip, korio akonakan kuju. Ibun ijo? Oo! Isirereng ijo Edeke. Oo, ikatuanga! Akanin akwatauni arai akwataangon. Kisirereng yes Edeke.

"Elomuni aiyuun kanuka airar, airar kotoma akirot naka Edeke." Apeleikinet nalimunitor eong ngun, edumuni Icoakat acamunio kede Edeke. Aomit eong kwana, abois na anyaraun ekokoro loka ailip kuju ne, abuni eong akotokin ijo ailip.

91 Mere eong kainak yes Ekokoro, ber. Kede nuswamai oni, ekoto koupas kede Ikokoron. Ekoto korai Nuiwadikatai! Mam Edeke einakini aibuses nejai idiobore kere. Mam Edeke itubusi aingala; ijenete yes ngin. Mam ijo ipedori aitorikikin ngun nejai Ngesi. Mam nges itubusi aingala. Itubusi Ngesi AkirotoKe bon. Konye isumunit Ngesi, ebe, "Mam AkirotoKa ebonguni neka epalapalat. Itodolikini nges Ngun nuiyakunitai nges aswam." Ido kianyuni lolo oni Akiroto naeinakinitalo. Mam ace karaida edakun amamus aiyuun kotoma odukurun, itubusi Edeke AkirotoKe nedumunia Ngesi aiyuun kanu aitubus Ngin kede.

92 Kwana kanenice kotoma aiduketait, akoto eong yes ayangar Ekokoro. Iburanian esula lo 3, acamunit eong erai nges. Ebal Ebaibul ebe, "Erai ngesi Esasedot Lopeti, kopekwana, loda epedori atiroro kanuka aipup naka akalanyanutuwok."

Ido ijo yenabu koriorite akonikan, epuda eong ijo, kwape edolokina aijanakin angetakin kane, akoto eong yes abunore kiton nee kanuka ailipakinio, aijaun Kristo kewape Eketajaranikon. Koyanga ijo erotokon toma odiope loka ice kanisan kaluajokuka kane. Mam ace nejai nges, idiotunganan yenelimonokini eijiri, koloto mamakec kosodi ailip aibatisao naka Ekristayone. Ido kingarenik ijo ekecon agear kanen. Erai nges etunganan loka Edeke, enyararitai ngesi araun etunganan loka Edeke, eyangaari ngesi ijo ageun kanen. Korai eong ajai ne toma oibugalo, tieong da karau ediopet kotoma okanisan luejaas ne. tieong da kabu mamakec, ngun luyunito Akiro Nukajokak. Tieongo da ajai nen. Kotoma abeit, tieongo da etodiar kede kes, naarai ngun kes ebeit ijo aswam. Ido ngun kesi ebeit ijo aswam.

93 Kwana, arai erai Ngesi Esaseredot Lopeti loepedorio atiror kotoma aipup naka akalanyatuwok, kwana erai Ngesi ngopengon bian, lolo, kaikaru kere, kanukangun ejai ti Nges iswam kaeswamator bian.

Kwana koany, abu Iberu yenididi kotiro anapitoKe, adiopepak, kosodi Ngesi aibelokin ido ajenun ationis najatar ya, kosodi alimokin ya aiyuunike etajar nges. Kosodi ngin apupun, kotoma aijarake; mam nges abu koyanga adiopipilu kanu aitogogong ngin. Mam nges abeit aitogogong ngin.

Mam ijo itogogongi iboro. Kiyuu ijo Edeke. Kiany? Mam ijo itogogongi Edeke, kedipone kere. Mam ijo ipedori aitogogong, kanu aitajar akonijara, ejai Edeke, alosit bon kinga ne ido atemar, "Akoto eong aanyun Nges." Kiany, ibusakinit ijo aiyuun Nges.

94 Lujiis kere luka Edeke eraas luka Edeke. Amina, aiyalama, aiyuun, atitingikin, aitikokina, aiyapepara, kiany, kere eraas nuka Edeke. Iseseni oni iboro lumam iteos kede akonikongu.

Ido ejai kristo ne lolo. Abu kisumunite ngun. "Netukokinos iarei arai iuni OkiroriKa, kanen ajai Eong da akidingot kec. Nen ajai Eong!" ebe "Eong" bobo, ejai Ngesi ne. Kwana, "Erai ngesi ngopengon bian, lolo, kiton ikaru kere."

Kilip ijo, kosodi atemar ebe, "Ejakait Yesu, adeka eong," arai idio bore kere yenipuda ijo. "Epuda eong, ido akoto eong Ijo, Edeke lominat, ajaun kede aitim mamaka, ido itangaleu eong kede eongo da ajaun ejok. Ido arai ejai eong kede aiyuun naedolit, Ejakait, atiror Ijo...ajeni eong ebe Onac Branham ngon mam ejeni eong. Arai eong epejonon. Ido ajeni eong ebe mam nges ejeni eong. Kwana arai elimokit eong etunganan ngon Abeit, naada acamunit eong ebe erai, naarai ebunit cut kotoma AkirotoKon. Asiomit eong Ngin, asesen eong Ngun esubito cut bala ejai kotenan. Kwana kitogogong Ngin. Anyaraikina eong araut Icoakat yenika Aburaam, kotoma Kristo, anyaraikina eong araut Icoakat yenakabakanut. Keyuunite Yesu Kristo. Ido eyuunit eong eraut atutubet naka AteraniKe, EkanisaKe loebunit Nges aomun. Ido adeka eong ido epuda. Okwe, Ejakait Yesu, katiro eong anapitoKon. Ido kito-...ido kitogogong ngin kotoma ainerakin kede onac Branham, 'kwape isumunitor Ngesi ngun ebe apote aputokin kede apaarasia nuka Sodom.' Bon kocamak eong... Kolimok ngesi eong kere nuawomoi eong, nuelipi, nuepuda eong, nueraas ipudesia ka, icebore yen ikamunit eong." Iswama ngun, bon kiswama ngun.

95 Papa lokotoma Akuju, kwana ejaas kere toma akaniniKon. Kwana nu bon nges apedor eong aswama, arai ediotunganan kere, epedori bon alimun nuilimu Ijo *kane*, Abeit. Kwana kitogogong ngun, Ejakait, araut Abeit. Ener eong nuKon. Kiner ebe enerit eong Abeit. Kokiror loka Yesu Kristo. Amen.

96 Akoto eong yes bon aiyuun, bon kojaunos kaiyuun. Kwana mam bobo irimete kane. Kosalak iboyei kotoma aiyapepara. Akoto eong yes ainomanar ebe ebwoi koingaren kus, kotoma kane kanenice, Kristo, abu kojaru okatwak; kolomu aitorun apamai adiopepak, konyam emugati, kotemari atiar, "Korarapasi Eong, arai eong akiring kede akojo," kosodi aolior akonyen kec. Kwana abu Ngesi kisumunik ebe abuni Ngesi atakanun kapaarasia nukawasia, kotoma oipone loka akuan naka etunganan bobo, kotoma akuan kon, kwape abu Ngesi kiswama kapaarasia nuka Sodom. Edeke, loda arai Kristo, abukitodiar kotoma akuan, kwana kotoma OkanisaKe, AteraniKe. Kiany, ajaas abunore nepepe. Erai apak naka aimorikikin. Ejaas Ikanisan aimorumorun, atekerin aimorumorun, ido Ateran ka Kristo ejaasi aimorikikin. Kiany, erai apak naka aimorumorun.

97 Kwana kiyuu bon, epatana. Mam itami amaranun kosodi aicikakin icebore, naarai mam ijo idumuni idiobore. Bon kaiyapepara kolimu, "Ejakait, eyuunit eong." Iswama icetunganan kwangin. Ido kwana eong....

Imwasai iboiete koingareneka, kanoi-noi...Kwana, ajeni eong etunganan lo *kane*, ka lu *kane*. Ajeni eong ice luiboiete *kane*. Dobodo lu *kane*, bon cut koingareneka? Enyikokisi oni kede egurupu loedit cut kotoma *kane* kanenice. Imwasai kayesi eanyunitotor Kristo kitodiar Ngeselopet koipone kangon, kotoma... kaanyutu akanin kus, "Mam aanyunitor ngun." Aomit eong bala nginitunganan eanyunitor ngun. Ejokak kere.

Kilipa kwana. Kwana koraunos luiyapepara. Mam eong ajeni arai epedori Ngesi. Mam eong apedori alimun ngin. Eraas ngun nuKe. Einakin ngin ijo aiyuun, kogogong cut? Epupi Ejakait ngun. Ejeni Ngesi iboro kere.

98 Etunganan loiboyei kangina, loedeka ania. Iyuunit ijo ebe itangaleuni Edeke ania ngin? Iyunit ijo? Irai oni ilongwau mamejai yenice, aomit eong, ijo kede eong. Mam eong kajen ijo. Mam eong anyunitor ijo. Konye arai erai ngin nges abujo kilipite, korio akonikan. Arai erai ngin abeit, korio akonikan, etunganan lo loiboiei...

Iyuunit ijo ngun-iyuunit ijo ebe neabu Anderea kolimokinite Simon abunore anyun ebe adumutos kesi Mesia, ido nadolunio nges Akonyen nuka Ejakait Yesu...? Karaut ebe irucokina ijo ka Icebore kwana, ailip kon. kiany, abu Ngesi kolimok ngesi loarai ngesi. Iyuunit ijo ebe epedori Edeke alimokin eong ingai ijo? Karai iyuu ijo ngin, epedori Ngesi aswam ngun. Epedori ngin aisinyikoikin ijo aiyuun kede ekonitau kere? Epedori aswamaikin lucekayesi kere koipone kangopekangon? [Kotemari atukos ebe "Amen."]

Kwana ario etunganan akekanin kuju, ebe kere nualimokinitai nges...Mam eong ajeni; eyangaikin eong aitekerar atepu, kiany. Kere nuarai, eraas abeit. Erai ngin abeit, Ipa? [Kotemari Onac ebe, "Amen."] Ejokak kere. Kere nuarai, erai abeit.

Ejakait Shepherd, kiyuu kede ekonitau kere. "arai ipedori ijo aiyuun."

99 Kwana eputos ngun kede nuabu Ngesi kolim, "Ekonekiror erai Simon, okoku loka Yona." Kwana korai bon ijo kiyuu, ngun bon kesi ipudai. Kiany? Kwana inyobo ngin? Abu Ngesi kisumunite ngun. Abu Ngesi koinak aisumunet ngin. Itodunit ngin ebe ejai Ngesi ne. Mam erai eong; ejai Nges toma kon. Ejai Nges toma AkuanaKe naka ikeyunak.

Aberu ngin, naemony kilipi, kitulurite akou kwap. Kodeka ekansa. Arai mam ijo ikurianar ido kiyuunite, itangaleuni ijo Edeke arai ipedori ijo aiyuun ngun. Elosi nges atwaniar ngun. Abeit. Amucalat Hood, kiyuu kede ekonitau kere kopekwana, ebe adau Yesu Kristo aitangaleun ijo, ido kidumun ijo kere nuilipit ijo. Kwana ilosi jo aiyuun ngun kede ekonitau kere? Amen.

Aiboi eiduny kede ijo ejai aberu naejaas kede ationus naka akoik, ationis naka etau, atiokisio. Karai kiyuu ijo kede ekonitau kere, ipedori ijo adumun akonangaleu. Kiyuunit ijo kede ekonitau kere, icamun ijo ngun? Icamunit ijo? Ejok.

Etunganan ngon kede ajimis, iyuunit ijo ebe itangaleun Edeke ajimis ngun kosodi aitangaleun ijo? Konyou.

Nunyoika iwomit ijo kanuka ngun, loiboiei eiduny kede nges kanen, kede ania? Iyuunit ijo ebe itangaleun ijo Edeke ania ido ainakin ijo ajaun ejok?

Amucalat naidunyas akanikon kanen, ejaas kede ariebo naka akou. Adaun kwana. Mam nges? Kiany, akoniyuun nges abu kiswama ngun. Ngun bon nges ebeit ijo aswam, nges bon aiyuun.

100 Kane ejai bobo aberuna kede adeka naka esukali. Kiyuunit ijo ebe inakini ijo Edeke ajaun ejok, Amucalat, naiboiei kane kede adeka naesukali? Iyuunit ijo ebe epedori Edeke alimokin eong ebe ingai ijo? Icamunit ijo amucalat. Robinson. Nges ekonekiror.

Kidokok akonakan mamake kanuka ania, motoko Edeke koinak ngesi da ajaun ejok, karai iyuu ijo ngin! Ibuni ijo aswam ngun? Ejokuka kere, ipa.

Aberu naiboiei eiduny kede jo, kidokok akonakan mamake, ipa, ejatar nges kede adeka naka amorito. Iyuunit ijo ebe itangaleun Edeke adeka naka amorito kosodi ainakin ijo ajaun ejok? Iyuunit ijo, kijau akoningaleu, eyangaikin ijo aiyuun ngin.

101 Kwana erai ngin aitogogonget. Abu Edeke koinak aisumunet, kwana imwasai iyuunito ebe ejai Kristo ne? Iyuunito yesi? Kwana, yesikere luipudas, Koingarene Ke kwana, luipudas aitimio kamaKe, luipudas aitimio kotauon kus, ido ipudas acamun nges kwana nape ijatar yesi NgareniKe, itodiara. Kwana eong...

Epedor acepak etunganan abunore ne kede aporei nuka isumalin akaninike, kede aroma nuka ikukwa kosodi atemar ebe, "Arai Eong Ejakait." Lokesoswai edio lomojongo kere epedor aswam ngun. Konye, aijar! Akuan naka Ejakait Yesu Kristo iboiei akanakoteten naka Lokapedor; nabunio Ngesi, emameun bobo apak, nebonguna akuan ngin toma akwap. Konye EmoyoKe ejai ne, AijaraKe einakinit ajenanut naka Ngesi ajaut ne. Kiany? "Ajaun eong kede yes, karaida toma kus, kiton awasia naka akwap."

102 Ido ipudas yes aitimio kamaKe kopekwana, ipedorete kereka yes aibwo kanuka akirot naka ailip? Etogo kere, yes ngun...kere neijai ijo, kipedor ijo abwo? Edeke isirerenge yes, kiton kau ngina. Erai ngin abeit, kosalakisi ibwoete. Kobwoata kakejen kus, ngun bon nges akoto eong yes aswam. Kobwoata ber edakika, kanu ailip. Arai kibwo ijo kanukeng! arai irumata ijo ileic kanuke kwana, kirumete ngesida ileic kanukon kama ejai Papa; ido arai ikapakina ijo alimor Nges kopekwana, elimori ngesida ijo koingaren naka Papa. "Akoto kwana eong acamun Kristo kwape etetajaranika. Akoto eong Nges ailelebe eong kede EmoyoKe kopekwana. Akoto eong Nges." Kosalakisi ibwoete apak edit, kanu ailip, arai ipedori ijo. Kobwoata. Erai ngin Abeit. Akoto eong...apupi eong aingarenikinio aswam nu, ainakin anyarit naka kaluipudas aiyuun. Kobwoata. Emamei oni elutaari kanu abunore toma; etau kon nges erai elutari. Bon kiriu kau amamus aiyuun kere, kosodi ajenun ebe ejai Ngesi ne kwana. Kobwoata kakejen kus, yes luipudas acamun Kristo kopekwana, kotoma Kojautene loka Emoyo loipupi ijo, loitodiara kwana.

Kwana ketuluroto akwes wok.

103 Ejakait Yesu, eraas kes luKon. Bala ijo ebe, "Emamei etunganan loebuni mamaka arai mam Papaka iriunit nges." Ido kotupitete nukasayanis mam ber apedorete aikiar akaninikec; ekisil loipugat akwap ebala ebe awokakanin ibusakinit asalakit kwap. Konye ejai aijar tomakec, ido aijar ngin aponikisukunyunai eiduny kAijar nAIkar kere, Kristo. Kosodete ayangar asekunete kotoma otouon kec, ebe adautu kesi kede akwap. Ido ekiasi kes akecekanin kede aibwo kede akejene kec, aimwang ekisil loipugat akwap, ebe ejai aijar ngina. Ido eipone ngon ngesi imwangia oni ekisil loka akwap kede amamus aiyuun!

Kokiror loka Yesu Kristo, eraas kes luKon. Eraas kesi ainakineta nukamina naka Akiro Nukajokak. Eraas kes luituno luka Aisiraret, lolo, ka AjakutuKon nakapolon kede isio. Ibwaik ikecekiroria toma Oitabo loka Aijar loka Imerekek, Ngina, Ejakait. Kilip isio ebe kanginidiopet kakes ejaun Ngina, kwape idweKon, luminanaKon.

Kileleb kes kede Emoyo Lokalaunan, toma otaunocek. Koraunos akecewate nuenokete kede Apedor naka Edeke loka Apedorikere, tetere aiyapepeara ka amina, asianut ka ainapakina kolele kanecek, ka aipucet kanu aanyun lucedata itajario, luapotu kojaas sek toma ojautenecek. Kocamak ngun, Ejakait.

Ibore bon yenipedori isio aswam. Ejakait, nges aiyuun. Kosodete kes aibwo kwape aisitunete naka akec aiyuun. Ido kwana kede aiyuunika kede akeceiyuun, nepepe, iperikin ngin olutar kon, kotoma aiyuun. Ido eraas kesi asubanit naeperi kangina, aidarit okoku loka Edeke loponi kijaikina kwape asubanit kanu acamun kes toma Akabakanut Kon. Kocamak ngun, Ejakait. Kopekwana koraut kesi luKon, koKiror loka Yesu Kristo.

104 Kwana yes luyunite Nges kede ikusitauon kere, luibwoete, kikeutu akusikanin, kolimutu ebe, "Eyuunit eong Nges. Acamunit eong Nges kwana kwape Ekalakunanika, ido amoot eong aibatisao naka Emoyo Lokalaunan."

Koriosi akusikanin. Edeke kisirereng yes.

Kwana ipedorete yes aiboikin.

Ido akoto eong yes adumun erot kus okanisa ece, kwana, atipet.

Akuare nakamoi ilosi ajaun kede airiamun kanu aibatisao naka Emoyo Lokalaunan, akuare naka moi kane kotoma aduketait. Kwana, epol aikerepikinit ido enyaritai ebe aibatisao naka Emoyo Lokalaunan, ido mam erai apolouke ebe emamei Emoyo Lokalaunan lokabeit. Ejai Emoyo Lokalaunan loka Edeke, bon ngopengon. Ido eyuunit eong ebe ebuni Ngesi airiamun kede oni ne akuare naka moi.

105 Kwana, imwasai ejaas aduketait luecamunito ebe ijai oni toma apak nakawasia? [Ebala atukos ebe "Amen."] Imwasai ecamunito ebe erai na Abeit, ebe ebeit Akiroton ikoninen kotoma apaarasia nukawasia? ikia akonikan ["Amen."] Imwasai eraas ikeyuunak? Korios akanin kus. ["Amen."] Erai naejok. Abu Yesu kolim Akiro nu, etupanakinete aanyuneta nu ngun luyunite, arai irai ijo ekeyuunan."

Kwana imwasai ipudas Kristo kotoma akuan kon? Korio akonikanin. Ejok, yes ikeyuunak nuiboiete eduny kede kesi, kidokokis akusikanin mama ejai yenice kede yenice. Ido eipone loilipia ijo okanisa kon, nges kilipia ijo kaneda. Mam kilip kanukon. Kilip kanukec; kilipete kesida kanukon. Ido ebala Ebaibuli ebe, "Kidokonokinete kesi akanin mama ejas lukadekak, ido engaleunete." Kwana kilip koipone loilipenena ijo, ido kede aisumunet.

Ejakait Yesu, eraas kes luKon, kijau kesi toma Akabakanut Kon. Ido kitangaleu nginidiopet kakes, Ejakait; ido itambalan Lu. KoKiror loka Ejakait Yesu Kristo, kocamak ngun, Ejakait. Atwaniasatan ekewai. Kitangaleu Apedor naka Edeke lokApedor kere nginidiopet.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7